

বেণু ও বীণা

শ্রীসত্যেন্দ্রনাথ দত্ত-

বিবচিত (

তৃতীয় সংস্করণ



ইণ্ডিয়ান প্রেস লিমিটেড—এলাহাবাদ

মূল্য এক টাকা চারি আনা।

প্রকাশক—
শ্রীকালীকিঙ্কর-মিত্র
ইণ্ডিয়ান প্রেস লিমিটেড
এলাহাবাদ ।

প্রাপ্তিস্থান—
ইণ্ডিয়ান পাবলিশিং হাউস—২২।১ কর্ণওয়ালিস স্ট্রীট,—কলিকাতা

ইণ্ডিয়ান প্রেস লিমিটেড—এলাহাবাদ ।

প্রিন্টার—
শ্রীঅপূর্বকৃষ্ণ বসু
ইণ্ডিয়ান প্রেস লিমিটেড,
বেনারস-ব্র্যাঞ্চ ।



উৎসর্গ

যিনি জগতের সাহিত্যকে অলঙ্কৃত করিয়াছেন,
যিনি স্বদেশের সাহিত্যকে অমর করিয়াছেন,
যিনি বর্তমান যুগের সর্বশ্রেষ্ঠ লেখক,
সেই অলোকসামান্য শক্তিসম্পন্ন

কবির উদ্দেশে

এই সামান্য কবিতাগুলি সমন্বয়ে অপিত হইল।



সূচী

বিষয়	পৃষ্ঠা
স্মারস্তে ...	১
অনির্নিতা ...	৩
কশলয়ের জন্মকথা ...	৪
মান-গগনেব আলো ...	৫
ববসন্তে ...	৭
সদন্তে ...	৩
ফাগুনে ...	১০
রূপ-স্মান ...	১১
মাস্তলিক ...	১২
প্রেম ও পরিণয় ...	১৩
জ্যোৎস্নালোকে ...	১৫
স্পর্শমণি ...	১৮
দুঃখ ও প্রেম ...	১৯
মেঘের কাহিনী ...	২০
বয়স ...	২৩
সারিকার প্রতি ...	২৫
আকুল আহ্বান ...	২৭
অবসান ...	৩০
আলোকলতা ...	৩২

বিষয়				পৃষ্ঠা
সাম্বনা	৩৩
উদ্ভাস্ত	৩৪
ব্যর্থন	৩৫
ব্রহ্ম	৩৬
একদিন-না-একদিন	৩৯
নৈশ-তর্পণ	৪১
মংস্র-গন্ধ	৪৩
আলেখ্য	৪৫
সহমরণ	৪৭
চিত্রাপিতা	৫১
মমতাজ	৫২
যাতুঘর	৫৪
যক্ষ-মূর্তি	৫৮
মমির হস্ত	৬০
ডাকটিকিট	৬২
উক্ক	৬৪
স্বর্ণ-গোধা	৬৫
প্রবাল দ্বীপ	৬৬
আগ্নেয় দ্বীপ	৬৭
মূল ও ফুল	৬৮
ঝড় ও চারাগাছ	৭০
জীবন-যন্ত্র	৭১

ବିଷୟ				ପୃଷ୍ଠା
କୋନ୍ ଦେଶେ	୭୭
ସନ୍ଧିକ୍ଷଣ	୭୯
ହେମଚନ୍ଦ୍ର	୮୧
ଦୂର୍ଯ୍ୟୋଗ	୮୭
ବଞ୍ଚ-ଜନନୀ	୧୦
'ସ୍ଵର୍ଗାଦପି ଗରୀୟସୀ'	୧୧
ଆଶାର କଥା	୧୨
ଦ୍ଵିତୀୟ ଚନ୍ଦ୍ରମା	୧୫
ଧର୍ମଘଟ	୧୬
ପଥେ	୧୯
ଅନ୍ଧ ଶିଶୁ	୧୦୧
ଅବଗୁଠିତା ଭିକାରିଣୀ	୧୦୨
ବିକଳାଞ୍ଜୀ	୧୦୭
'କୁହ୍ନାନାଦପି'	୧୦୯
ବନ୍ତାୟ	୧୦୭
ଦେବୀର ସିନ୍ଦୂର	୧୦୮
ଶିଶୁର ସ୍ଵପ୍ନାକ୍ଷ	୧୧୧
ଅକ୍ଷବ	୧୧୨
ଅଲିତ ପଲ୍ଲବ -	୧୧୪
ଦୁର୍ଦ୍ଦିନେ ଅତିଥି	୧୧୫
ଗୋଲାପ	୧୧୭
କୁଳାଚାର	୧୧୯

বিষয়				পৃষ্ঠা
তিলক দান	১২৩
শিশুর আশ্রয়	১২৫
হাসি-চেনা	১২৭
বর্ষীয়ান্	১২৯
অরণ্যে রোদন	১৩২
দেবতার স্থান	১৩৩
মেঘের বারতা	১৩৪
অপূর্ব সৃষ্টি	১৩৫
'বাতাসী-মা'র দেশ	১৩৬
জীর্ণ পর্ণ	১৩৮
অক্ষয় বট	১৪০
শিশুহীন পুরী	১৪১
পথহারা	১৪৩
নাভাজীর স্বপ্ন	১৪৫
'রম্যানি বীক্ষ্য'	১৪৬
সঙ্ঘাতারা	১৪৭
অমৃত-কণ্ঠ	১৫১
মমতা ও ক্ষমতা	১৫৭
নামহীন	১৫৮
আকাশ-প্রদীপ	১৫৯
শাহারজাদী	১৬০



বেণু ও বীণা



আরম্ভে

বাতাসে যে ব্যথা যেতেছিল ভেসে, ভেসে,
যে বেদনা ছিল বনের বুকেরি মাঝে,
লুকানো যা' ছিল অগাধ অতল দেশে,
তারে ভাষা দিতে বেণু সে ফুকরি বাজে !

মূকের স্বপনে মুখর করিতে চায়,
ভিখারী আতুরে দিতে চায় ভালবাসা,
পুলক-প্রাবনে পরাগ ভাসাবে, হায়,
এমনি কামনা—এতখানি তার আশা !

বেগু ও বীণা

হৃদয়ে যে সুর গুমরি মরিতেছিল,
যে রাগিণী কত ফুটেনি কণ্ঠে—গানে,
শিহরি, মূরছি,—সেকি আজ ধরা দিল,—
কাঁপিয়া, ছলিয়া, বাকারে—বীণাতানে ?

বিপুল সুরের আকুল অশ্রুধারা,—
মর্ম্মতলের মর্ম্মরময়ী ভাষা,—
ধ্বনিয়া তুলিবে—স্পন্দনে হ'য়ে হারা,
এমনি কামনা—এতখানি তার আশা !

কতদিন হ'ল বেজেছে ব্যাকুল বেগু,
মানসের জলে বেজেছে বিভোল বীণা,
তারি মূর্ছনা—তারি সুর রেগু, রেগু,—
আকাশে বাতাসে ফিরিছে আলয়হীনা !

পরাণ আমার শুনেছে সে মধু বাণী,
ধরিবারে তাই চাহে সে তাহারে গানে,
হে মানসী-দেবী ! হে মোর রাগিণী-রাণী
সে কি ফুটিবে না 'বেগু ও বীণা'র তানে ?

অনিন্দিতা

ধূলিরে সুন্দর করি এস তুমি হে সুন্দরী
ধূলা পায়ে এস অনিন্দিতা !
পঙ্ক-পাখে, আঁখি-পাখী, টাদের অমিয়া ছাঁকি'
ঢেলে দিক, হে কবি-বন্দিতা !
অধর-কপোলময় ফুলের মিলেছে লয়,
সু-ললাট মতির আবাস,
সৌন্দর্যের ধারা-বৃষ্টি, বিধির অপূর্ব সৃষ্টি,
কালিন্দীর উর্ষি কেশপাশ।
ফুলের রচিত দেহ, স্নেহ করুণার গেহ—
লয়ে এস—পরাণ উদার ;
অপূর্ব অমৃত-রসে, সিনান করাও এসে,
জ্যোৎস্না-ঘন পরশে তোমার !
আনগো মঙ্গল-ঘট, লয়ে এস অকপট
বেদনা-বুঝিতে-পটু মন,
ছ'খানি স্নেহের করে জগতেরে রাখ ধরে,
রাখ বেঁধে অন্তরে আপন।
এস, মন্দ-বায়ু-গতি ! সৌন্দর্য-রূপিণী সতী !
শোন মোর সৌন্দর্যের গীতা ;
মনের ছয়ার খুলি, একবার পথ ভুলি,
এস দেবী—এস অনিন্দিতা !

কিশলয়ের জন্মকথা

চোখ দিয়ে ব'সে আছি, কখন অক্ষুর ফাটি'
 বাহিরিবে প্রথম পল্লব ;
একমনে আছি চেয়ে, ধরা যদি পড়ে তাহে—
 নিখিলের আদি কথা সব ।

সারাদিন ব'সে, ব'সে, তন্দ্রা চোখে এল শেষে ;
 চরাচর ডুবিব তিমিরে ;
প্রভাতে দেখিছু জেগে, নয়নে কিরণ লেগে—
 কচি পাতা কাঁপিছে সমীরে ।

রূপ-স্নান

জ্যৈষ্ঠ মাস—বৃষ্টি হ'য়ে গেছে,
আহ্লাদে আকুলা ভাগীরথী ;
স্নিগ্ধ বাতে ত্রিলোক তুষিছে,
কৃষ্ণা যেন সেবিছে অতিথি ।

লালে লাল পশ্চিম আকাশ,—
তপ্ত সোনা—সিন্দূরে—হিঙ্গুলে,
অঙ্গে ধরি রক্ত চীনবাস,
জাহুবী, চলেছে এলোচুলে !


লাফারাগে রঞ্জিত আকাশে
খণ্ড নীল দুর্বাদল-শ্যাম,
প্রলয়ের রক্তে যেন ভাসে
বটের পল্লব অভিরাম,—

ছায়া তার রাক্তম গঙ্গায়,—
দেখ চেয়ে—দিব্য কাম্য-কূপ,
রূপহীনা, কে আছিস্ আয়—
এ ঘাটে নাহিলে হয় রূপ !

মাস্তুলিক

খান্সাজ

পরমেশ ! আজি, বরিষ তোমার
আশিষ যুগল শিরে ;
কর পবিত্র, পুষ্পেরি মত,
এ নব দম্পতীরে ।
আজি হ'তে তা'রা বাহিবে তরণী,
অকূল সিন্ধু-নীরে ;—
রহে যেন নভঃ কিরণে পূরিত,
বায়ু বহে যেন ধীরে ।
হরষিত শত হৃদয় প্রাবিষা
আজি যে পুলক ফিরে,—
সে মধুর প্রীতি, যেন দিবা রাতি
যুগলে রহে গো ঘিরে ।



প্রেম ও পরিণয়

স্বখের নিলয়— সেই পরিণয়,
প্রণয় যাহে দৃষ্টি রাখে ;
নইলে কেবল লোহার শিকল,
জীবন-পথে বিঘ্ন ডাকে ।

চন্দ্র তারায় সন্ধি ক'রে
দু'টি হৃদয় বন্দী করে,
কত যুগযুগান্ত ধ'রে

আয়োজন তার চলতে থাকে ।
একটি নারী, একটি নরে,
অপূর্ণে অখণ্ড করে,
প্রাচীন ধরায় তরুণ করে,—

অরুণ-রাগে জগৎ আঁকে !
অমৃত প্রেম মর্ত্যালোকে,
অমৃত সে দুঃখ শোকে ;
জীবন-পুঁথির জটিল লেখা—

স্পষ্ট হয় প্রেমিকের চোখে ।

বেগু ও বীণা

পরিণয়ে সেই সে প্রণয়,
পরিণত যেই দিনে হয়,
সে দিন ফলে অমৃত-ফল-
জগৎ-বিষ-বৃক্ষ-শাখে ।

জ্যোৎস্নালোকে

তুমি গো আছ মগন ঘুমে

ফুলের বিছানা' ;

জানলা দিয়ে পড়িছে গিয়ে

আকুল জোছনা ।

এই সে ছিল চরণ ছুঁয়ে,

একটি কোণে, একটু মুয়ে,

এখন সে যে হিয়ায় রাজে,

হরিণ-লোচনা !

সাহস পেয়ে, রয়েছে চেয়ে,

অধীর জোছনা !

সন্ধ্যা থেকে আমার চোখে

ঘুমের নাহি লেশ ;

জ্যোৎস্নালোকে তোমায় দেখে

স্বথের নাহি শেষ !

আমার ছায়া তোমার বুকে,

জ্যোৎস্না সাথে ঘুমায় স্বথে,

বেণু ও বীণা

জ্যোৎস্না সাথে নয়ন পাতে
রচিছে মায়া দেশ ।
সন্ধ্যা থেকে আমার চোখে
ঘুমের নাহি লেশ ।

জ্যোৎস্নাটুকু মিলায়, বায়ু
দোলায় কেশ-পাশ,
এখনি তবে প্রভাত হবে,
জাগিবে রশ্মি-ভাস্ ।
ছিলনা বাধা, হরষ মনে,
চাহিয়া ছিছু তোমার পানে,
বিজন গেহ ছিলনা কেহ
করিতে পরিহাস ;
জ্যোৎস্নাটুকু মিলায়, বায়ু
দোলায় কেশ-পাশ ।

সফল আজি জীবন মম,
সফল জোছনা,
সফল তব রূপের রাশি
কমল-লোচনা !
ধৌত করি তারার মালে,
ধৌত করি যুথির জালে,

স্পর্শমণি

কহিতে কাহিনী আছে, গাহিবারও আছে গান
যত দিন মনোবীণে ভালবাসা তুলে তান !
মলয় চলিয়া গেলে ফুল ত' ফুটে না বনে,
ভালবাসা ফুরাইলে সাড়া ত' উঠে না মনে ;
দেবতা চলিয়া গেলে, দেউলে না দীপ জ্বলে,
ভুলেও না উঠে তান—প্রেম যেথা অবসান ।
ভালবাসা যদি, হায়, বারেক ফিরিয়া চায়,—
অরুণ চরণ দিয়া—হিয়া পরশিয়া যায়,—
ফুটে শত শতদল, ছুটে মধু পরিমল,
জেগে' উঠে কলগীতি—মন প্রাণ কানেকান !
গেয়ে না ফুরায় গান,—কথা হয় অফুরান্ !

রূপ ও প্রেম

রূপ ত' হাতের লেখা, প্রেম সে রচনা ;

রূপহীনা নহে প্রেমহীনা ।

লেখার এ দোষে শুধু, স্পর্শিবেনা কাব্য মধু ?

প্রেম—ব্যর্থ হবে রূপ বিনা ?

কবি হ'তে শ্রেষ্ঠ কি গো কেরণী মুহুরী ?

প্রেম হ'তে রূপের মাধুরী ?

কুরূপে—নয়ন বিনা কেহ ত' করে না ঘৃণা,

প্রেম যা'র হৃদয় যে তা'রি ।

চাঁদের কিরণ সেও চূমে তার গায়,

মলয়া সে কুস্তল দোলায়,

যৌবন-দেবতা করে রাজ্য—সে দেহের' পরে,

মনে প্রাণে বহে প্রেম-বায় !

তবে ফিরায়েনা আঁখি কুরূপ বলিয়া,

যেয়োনা গো চরণে দলিয়া,

নিশির স্নেহের গেহে, দেখো, রূপহীন দেহে,

প্রেমে রূপ উঠে উথলিয়া !

মেঘের কাহিনী

স্বপ্ন হৃদে, জর্জর দেহে, ঘুমায়ে আছি তু ভাই,
লবণে জড়িত লহরের কোলে ঘুমেও স্বস্তি নাই ;
সংসা পূর্বে, তরুণ অরুণ হাসিয়া দিলেন দেখা,
আমি জাগিলাম, বকে দেখিলাম অরুণ-কিরণ লেখা !

কিরণাঙ্গুলি ধরি'

আমি, উঠিলাম ত্বরায় করি',

কাম্পিত, ক্ষীণ, জর্জর তনু—ললাটে বহি-শিখা ।

তুণ পল্লবে, নিম্ন বায়ুতে আপনার জ্বালা ঢালি'
উচ্চ গিরির উন্নত চূড়ে উঠিতে লাগি তু খালি ;
কঠোর শিলার পরশে আমার নয়নে ঝরিল জল,
ছল ছল চোখে লাগি তু উঠিতে—ছুঁই তু গগনতল ।

ডুবিলেন দিননাথ,

হাসি, পবন ধরিল হাত ;

তুষারের মত হ'য়ে গেল দেহ, ফুৎকা'ল সকল বল ।

* * * *

বাতাসের সাথে ধরি হাতে হাতে গগনে ছুটি তু কত,
পলে পলে ধরি অভিনব রূপ—খেলি বাতাসেরি মত ;

বেগু ও বীণা

চন্দ্রমা আর গ্রহ তারকার সকল বরতা লয়ে'—
বরষের পথ মনের আবেগে নিমেষে চলিছু ধেয়ে ;
কত যে হেরিছু, আহা,
কত, স্বপনে ভাবিনি যাহা ।
ডাকে মোরে দূর চাতক, ময়ূর, কবি—গান গেয়ে গেয়ে !

বিশ্বের ডাক শুনেছি আবার—হৃদয় ভ'রেছে স্নেহে,
বিশ্বের প্রেমে পরাণ আমার ধরেনা ক্ষুদ্র দেহে ;
বুকে ধরি খর বিজলীর জ্বালা বুঝেছি আপনি জ্বলে'
ধরণীর জ্বালা, তাই ত' আবার চলিয়াছি মহীতলে ।

মরুতে যে বায়ু ব'য়—
আর, করিনা তাহারে ভয় ;
রঙীন মেখলা পরিয়া চলেছি আশা দিতে ফুলদলে ।

আমারি মতন কত শত মেঘ জুটেছে আজিকে হেথা,
কাজলের মত বরণ, গাহিছে জীমূত-মন্দ্র-গাথা ।
চলিতে তুলিছে শত গোস্তুন, পূর্ণ শীতল রসে,
বেদনা তাপিতা আবেশে ঘুমায়, কবরীবন্ধ খসে ;
টুটে কৃতচূড় জটা,
তাহে, ফুটে দামিনীর ছটা,
কুন্তল ভার—আকুল ধরার চোখে মুখে পড়ে এসে ।



ক - ৩৫০
Acc 26550
০৭/২২/২০০৬

বেগু ও বীণা

ঝঝর রবে ঝরে বারিধার, শিথিলিত কেশ, বেশ ;
গর্জন ধ্বনি সহসা উঠিল ব্যাপিয়া সর্বদেশ ।
এ পারে বজ্র অটু হাসিল, ও পারে প্রতিধ্বনি,—
সংজ্ঞা হারা'নু, কি যে হ'ল পরে আর কিছু নাহি জানি ।
জাগিছু যখন শেষ,
দেখি, আছি আমি ব্যাপি' দেশ,
ভূতলে অতলে যেতেছে মিলায়ে আমারি সে তনুখানি !

আজ নাহি মোর জোছনা সিনান, কিরণে শিঙার নাই,
নাহি রামধনু-মেখলা আমার, নাই কিছু নাই, ভাই ;
আজ আমি শুধু সলিল-বিন্দু, ভাই আজি মোর ধূলি,
চাঁদের মিতালি ভোলা যায়, করি' তার সাথে কোলাকুলি !
আমি, নহি নহি মেঘ আর,
এবে, জল আমি পিপাসার,
সার্থক আজি জন্ম আমার—যূথিরে ফুটায় তুলি ।



বেণু ও বাণা

বর্ষায়

শ্লথ, পরিণত— কদম কেশর
ঝরিছে এ পাশে ও পাশে ;
মৃদু-বিকশিত কেতকীর রেণু
ক্ষরিছে বাতাসে বাতাসে ।

মেঘ আসে যায় বারেবার,
ঝরে বারিধারা, কদম কেশর,
মিলে মিশে একাকার ।

বহুদিন পরে চলিয়াছি গ্রামে,
নূতন হয়েছে পুরাণো ।
চোখের উপরে বেড়ে ওঠে ধান,—
দায় হ'ল অঁাখি ফিরানো ।

নাচে বুলবুলি আর ফিঙে,
জাল ফেলে ফেলে জেলের ছেলেরা
বেয়ে নিয়ে চলে ডিঙে ।

বেণু ও বীণা

ধীরে মন্থরে
গ্রামের ধরণে
চলেছে গ্রামের লোকেরা,
অলস গমনে
জল বহে বধু,
মেঘে মিশে যায় বকেরা ।
কা'রে
নাম ধ'রে ডাকে দূরে,
দূর হ'তে তার
ফিরে আসে সাড়া
মাঠে মাঠে ঘুরে ঘুরে ।

গাভী সাথে লয়ে
একা পথ দিয়ে
চলেছে চাষার ঝিয়ারী,
নূতন বয়স,
সরস শরীর,
চাহনি নূতন তাহারি ;
তা'রে
এ দিঠি শিখা'ল কে গো ?
বয়সের রীতি
কে শিখায় নিতি
এ বিজনে, ব'লে দে গো !

সে যে অপরূপ
বরষার মত,—
আপনি উঠে গো ভরিয়া,
সে যে সচকিত
দামিনীর মত
প্রাণ আগে লয় হরিয়া !

বেগু ও বীণা

সে যে

ধানের ক্ষেতেরি মত,—

চোখের উপরে

বাড়ে পলে পলে

ঢেউ উঠে শত শত ।

সাথে গাভী লয়ে

পশিল কুটারে

কিশোরী চাষার ঝিয়ারী,

পুলকে অমনি

উঠিল ডাকিয়া

কুকুর—তাহার ছয়ারী !

হেথা

জল নেমে এল হেনে,

বাদলের ধারা

বাদ সাধিল রে

চিকের গর্দা টেনে !

সারিকার প্রতি

সারিকা ! কোথারে আজি—সাগরিকা—কোথা আজ,
আঁকিছে কাহার ছবি, বলিতে কেনলো লাজ ?
সে দিন লুকায়ে রহি,
গেছিলি সকলি কহি,
আজিরে নীরব কেন—বনবীণা বাজ, বাজ ।

আজিও তেমনি কিরে, কদলীর ছায়ে রহি,
তপনের—মদনের—তমু মনে জ্বালা সহি,
শীতল কদলী ছায
শয়ান রচিয়া হায়,
বিভোরে আছে কি বসি সে আমার পথ চাহি ?

আজো কি আমার ছবি—ফেলিয়া সকল কাজ—
আঁকিছে গোপনে, বালা, মলিন নলিন সাজ ?
আজো কি হৃদয়'পরে—
আমার মুরতি ধরে ?
আজো কি তাহার মনে লীলা করে ঋতুরাজ !

আকুল আহ্বান

এস নাথ ! এস নাথ ! এস নাথ ! এস নাথ !

বসন্ত প্রভাত ! স্নেহ-বসন্ত প্রভাত !


কোকিল সে কুল কুহরিল,

শিহরি উঠিল বন-বাত ;

গুঞ্জরি' অলি বাহিরিল

বকুল গন্ধ সাথে সাথে !

এস নাথ ! এস নাথ ! এস নাথ !



বকুল ঝরিয়া মরিল গো,

চম্পকও হ'ল পরিম্লান ;

মূচ্ছিত তাপে শিরীষ গুচ্ছ,

তনুমন আজি ত্রিয়মাণ ।

'ফটিক জল'—'ফটিক জল'—

চাতক ফুকারে সবিষাদ ;

আমি লাজভীতে নারি ফুকারিতে,

এস নাথ ! এস নাথ ! এস নাথ !

বেগু ও বীণা

নিদ্রিত পুরে বায়ু 'হাহা' করে,
ঘন বরষণে কাটে রাত,
কত যুথি ঝরে—কে গণনা করে ?
হায় নাথ ! হায় নাথ ! হায় নাথ !

কদম কেতকে বনভূমি ছায়,
দাদুরী আধারে কাঁদে রে,
ফুল সম হিয়া ফুটিবারে চায়—
তারে কে আজিকে বাঁধে রে ।
কেতকী মলিন, নীপ রূপহীন,
কমল খুলিল আঁখি-পাত ;
জ্যোৎস্না হাসিল প্লাবিতা ধরণী ;—
এস নাথ ! এস নাথ ! এস নাথ !

উত্তরে হাওয়া ফিরিল গো,
উল্কা ফুকারে সারারাত ;
তুমি তো এলে না—তবু, ফিরিলে না,
হায় নাথ ! হায় নাথ ! হায় নাথ !

কন্দ কাঁদিয়া দুখে, হায়,
ঝরিয়া মিশায় কুয়াসায় ;

বেগু ও বীণা

বিধবা কানন-বল্লরী, মরি,
মলিন আকাশপানে চায় ।
দীর্ঘ যামিনী কাটেনা আর,
না মুদে হয় নয়ন-পাত ;
ডাকে তক্ষক—বন-রক্ষক ;
হায় নাথ ! হায় নাথ ! হায় নাথ !

বেগু ও বীণা

অবমান

চ'লে যাও—ওগো, চ'লে যাও,—

বকুল ফুলেরে দ'লে যাও ।

হেথায় ধুলির মাঝে

কে মুখ লুকা'ল লাজে,—

সে কথা শুনিতে কেন চাও ?

আধারে ফুটিয়া সে যে

আধারে ঝরিয়া গেছে,

তার কথা—কেন গো স্মৃধাও ?

তাহার রূপের ভায়

তার ত' ফুটেনি হায়,

বড় আশা ?—ছিল না ত' তা'ও ।

ঝরিয়া পথেরি ধারে

ছিল সে পড়িয়া, হা—রে

চরণে দলেছ—ভাল—যাও ।

ধূলি-মাখা একাকার,

তার পানে বৃথা আর

বেগু ও বীণা .

আকুল নয়নে কেন চাও ?
তা'রি সে শেষ নিশাস—
এখন' বহে বাতাস !
হেথা হ'তে—নিঠুর !—পালাও .।

আলোকলতা

মূল নাই, ফুল ফল পত্র নাই মোর,
বাতাসে জনম মম, তরুশিরে বাস ;
তন্তু সম সূক্ষ্ম তনু, সুবর্ণের ডোর,
যে মোরে আশ্রয় দেয় তা'রি সর্বনাশ ।

চিনেছ ? 'আলোকলতা' বলে মোরে লোকে ;
যে মোরে আদরে শিরে ধরে আপনার—
নিস্তার নাহিক তার, বেড়ি পাকে, পাকে,
শ্রীহীন, লাবণ্যহীন, করি তনু তার,—

রস মরে, পত্র ঝরে, শরীর শুকায়,
আত্মহারা আলিঙ্গনে—তরু—এ তনু,—
সমাচ্ছন্ন পরশের মোহ-মদিরায় ;
প্রতিবাত্তে কাঁপে দেহ অসার তরুর ।

শুকাইলে বৃক্ষ, আমি তবে সে শুকাই ;
আলোকের ধন, পুনঃ, আলোকে লুকাই !

হয় ত' হ'তাম সুখী আমরা দুটিতে,—
হেলা ভরে তুমি গেলে চলি' ;
প্রেম-শতদল হায় ফুটিতে ফুটিতে—
মনে পড়ে ?—গিয়েছিলে দলি'

মানুষ পাষণ হয়, কর কি প্রত্যয় ?
চেয়ে দেখ—সাক্ষী তার আমি ;
ঠেকিয়া শিখেছি এবে, কেহ কার' নয়,—
সত্য কি না জানে অন্তর্যামী ।

কেনা, বেচা, বেনেগিরি কানাকড়ি নিয়ে,
হট্টগোল হাটের মাঝারে ;
ক্ষয় গেল সোনাটুকু যাচিয়ে, যাচিয়ে,
প্রতিদিন দোকানে, বাজারে,—

অধরে যে হাসি ছিল—মিশেছে অধরে,
জন্মলের ফুলের মতন ;
নয়নে যে জ্যোতি ছিল, শুধু অনাদরে,
নয়নে সে হুয়েছে মগন ।

বেগু ও বীণা

যে দিন পাঠায়েছিলাম প্রেম-নিমন্ত্রণ—
অবসর হয় নি তোমার,
আজ তুমি উজ্জ্বলিত্ব করেছ গ্রহণ,
কি অদৃষ্ট তোমার আমার !


ভেব'না যন্ত্রণা দিতে, গঞ্জনা, ধিকারে,
আজ আমি এসেছি হেথায়,
আপনার চেয়ে ভালবেসেছিলাম যা'রে—
তা'র কথা কা'রে কথা যায় ?

বাহিরে, যেথায় তোরে করে পরিহাস—
ক্ষীণ কণ্ঠে সেথা তুলি হাসি,
অন্তরে অন্তরে বাঁধা স্মৃতি নাগপাশ,
সঙ্কোপনে অশ্রুজলে ভাসি ।

তবুও কাঁদেনা প্রাণ পূর্বের মতন,—
অনুভূতি তীক্ষ্ণ নহে আর,
জেনেছি মৃত্যুর স্বাদ না যেতে জীবন ;
অশ্রুশূন্য শুষ্ক হাহাকার !

একদিন-না-একদিন,

একদিন-না-একদিন, কারো-না-কারো কপালে,
ঘটেছে যা'—তাই নিয়ে ভাই বৃথাই মাথা বকা'লে।



সীতার নামে কলঙ্ক আর লক্ষ্মণেরে অবিশ্বাস,
ধ্যানভঙ্গ শঙ্করের ও যুধিষ্ঠিরের নরকবাস ;
এমন সকল কাণ্ড যখন আগেই গেছে ঘ'টে,
তখন তুমি খ্যাতির খেদে গরম কেন চ'টে ?

চ'লতে গেলেই লাগে ধুলো,

ধুয়ো তখন ও-সব গুলো,

তা'ব'লে কি পথ দিয়ে, ভাই, চ'লবেনাক' মোটে ?

একদিন-না-একদিন, কারো-না-কারো কপালে,
ঘটেছে যা' তাই নিয়ে ভাই বৃথাই মাথা বকা'লে।

অরসিকে রসের কথায় হয় ত' যাবে ভোলা'তে,
অশ্রেমিকে মনের ব্যথায় হয় ত' যাবে গলা'তে ;
অঘটন যা' ঘ'টবে তা'তে—সেটা কিন্তু স্বাভাবিক !
কাজেই তা'তে বিলাপাদি, বেশী রকম, নহে ঠিক ।

বেগু ও বীণা

পরকে কেন মন্দ কই ?

মনের মত নিজেই নই ।

আমাদের এই রোষ তুষ্টি—অধিকাংশই আকস্মিক !

একদিন-না-একদিন, কারো-না-কারো কপালে,

ঘটেছে যা' তাই নিয়ে ভাই বৃথাই মাথা বকা'লে ।

নৈশ-তর্পণ

জলের লীলা মিলিয়ে গেল নিবিড় আধারে,
আলোক-মালা উঠল ফুটে নদীর ছ'ধারে ;
নৌকা'পরে আলোক নড়ে,
নদীর জলে রশ্মি পড়ে ;

উঁকি দিয়ে ঢেউগুলি তায় ছুটেছে কোথা রে ;—
বুঝি বা কোন্ ঘুরনি দিয়ে অতল পাথারে ।

পরাণ আমার কেমন তা'তে হ'ল যে বিকল,
প'ড়ল ঘন নিশাস, চোখেও প'ড়ল এসে জল !

অম্নি ক'রে আমার মনে উঁকি দিয়ে হায়,
কতই হাসি-মুখের ছবি নিমেষে লুকায় ;
কেউ বা ভাল বেসেছিল,
মধুর মৃদু হেসেছিল,

কার কাছে বা ততটুকুও হয়নিক' আদায়,
কেউ বা গেছে মানে মানে, কেউ ঠেকেছে দায়

বেণু ও বীণা

সবার তরেই আজকে আমি হ'য়েছি বিহ্বল ;
উঠছে ঘন নিশাস, চোখেও প'ড়ছে এসে জল ।

কেউ ডুবেছে অতল জলে, ভেসেছে বা কেউ,
ছুটেছে কেউ কুলের পানে মথন ক'রে ঢেউ ;
কেউ হরষে জলে ভাসে,
কুলের পানে চেয়ে হাসে,
কেউ বা ভাসে চোখের জলে, ত্রাসে মরে কেউ ;
কূলে ব'সে উদাস মনে কেউ বা গণে ঢেউ,
আজকে আমি সবার তরেই হ'য়েছি বিহ্বল,
প'ড়ছে ঘন নিশাস, চোখের শুকায়নাক' জল ।

যে কেউ মোরে ক'রে গেছে স্নেহের অধিকারী,—
নয়ন-জলে জানাব আজ আমি সে সবারি ;
জানিয়ে যাব আরো বেশী,
হয়নি যেথা মেশামেশি,
ঘটেছিল যেথায় শুধু চোখের লেনা দেনা ।
জানিয়ে দেব চোখের জলে আমি সবার কেনা ।
আমি যে আজ সবার তরেই রেখেছি কেবল,
একটা ঘন নিশাস, চোখের একটি ফোঁটা জল ।

মৎস্য-গন্ধা

দ্বীপে উষা এল কুয়াসায়,—
কোলের মানুষ চেনা দায়,—
চারি ধারে ঘিরি' তা'রে জলের আক্রোশ,
বাহিরে রোষের ছায়া—অন্তরে সন্তোষ ।
হিমরাশি ফণা তুলে ধায়,
মৎস্য-গন্ধা তরণী ভাসায় ।

তরী চলে ডুবায় মৃগাল,
হাতে তার আর্দ্র কালো জাল ;
দৃঢ় মূঠি—টানে জাল, পড়েনিরে মীন ।
হ'য়োনা মলিনা বালা আজি শুভদিন ;—
জালে ধরা দেছে পরাশর !
তরী'পরে সোনার বাসর !

কোথা দিয়ে কাটে দিন রাত,
ঋষি নাহি মুদে আঁখি-পাত ;

বেণু ও বীণা

ধীরে ধীরে মিলাইল—কুয়াসার ঘর,

কাটায়ে মোহের ঘোর উঠে পরাশর ।

মৎস্য-গন্ধা—পদ্ম-গন্ধা আজ,

কোলে তার শিশু 'ব্যাস' করিছে বিরাজ

আঁলেয়া

“পুড়ে মরি—পতি নাহি পাই,
কোথা পা'ব জুড়াবার ঠাই ?
জ্বালার অবধি মোর নাই ।

দিন রাত শুধু হাহাকার,
শ্বাস-বায়ু অনল আমার,
মৃত্যু হ'ল—গেল না বিকার !

জ'লে মরি, আকুল জ্বালায়,
ঘুরি তাই বিজনে জ্বালায়,
মোর পিছে—কেন এস, হায় !

ফিরে যাও পথিক, পথিক,
মাড়ায়েনা কখন' এ দিক,
এ পথের নাহি কোন' ঠিক

বেগু ও বাঁণা

ঋব-তারা নহি আমি ভাই,
আলেয়ার পোড়া মুখে ছাই,
পুড়ে মরি—পতি নাহি পাই !

শীতল হইবে তনু ব'লে—
মাঝে মাঝে ডুবি গিয়া জলে,
উঠিলে দ্বিগুণ পুনঃ জলে ।

মুখ দিয়া উগারি অনল,
পবন ছড়ায় হলাহল,
ক্ষণকাল—সকলি বিকল !

আবার যা' ছিল হয় তাই,
শান্তি নাই—যন্ত্রণা সদাই,
পরিণাম হ'ত যদি ছাই ।

ভাবিতাম বেঁচে সুখ নাই,
এবে দেখি মরণেও তাই,
পুড়ে মরি—পতি নাহি পাই ।”

বেণু ও বীণা

বাম হাতে তার কবিতার পুঁথি,
হরিতালে মোড়া মুখ,
নয়ন কোঁটরে অতল আধার ;
ছুরু ছুরু কাঁপে বুক !

অতি ক্ষীণ স্বরে, কহিল সে ধীরে,
সোঙরিয়া 'রমেশেশ',—
“নীল-নদ-নীরে ঘন শরবন,
তীরে সে মিশর দেশ ;

আমি সে দেশের রাজার সভায়
ছিলাম প্রধান কবি ;
আজি কেহ নাই বুঝিতে সে বাণী,—
বুঝিতে সে সব ছবি ।

কমলের বন হয়েছে উজাড়,
মৃগালে সে শোভা নাই ;
কালি যেথা ছিল রাজার প্রাসাদ,—
বিজন আজি সে ঠাই ।

কে দেখিবে ছবি, প্রতিমা, দেউল,

কে শুনিবে আজি গান ?

মরিয়াছে মৃগ তৃষায় পাগল,—

বোঝেনি—মরুর ভাগ ।”

পাশ-মোড়া দিয়া ঢাকনের তলে

ঘুমায়ে পড়িল ‘মমি’,

কে কোথা লুকা’ল কিছু না বুঝি

উঠিল যখন নমি’ !

* * * *

যাহুঘরে অন্ধকার !

ঘোরে কত জানোয়ার ।

ডাকে কত পাখী,

মাছ কিল্ কিল্, সাপ হিল্ বিল্,

শিলা মেলে আঁথি ।

* * * *

তা’ সবে এড়ায়ে ছাড়ি হাঁফ,

তাড়াতাড়ি—একেবারে নেমে পড়ি, গোটা কুড়ি ধাপ ;

‘মায়ার সহিত

আসি উপনীত—’

যেথায় সাজান’ শুধু পাথরের চাপ ।

বেণু ও বীণা

যক্ষ-মূর্তি

তা'রি মাঝে, দেখিলাম অপরূপ—
পাষাণে খোদিত, এক মনোরম—মদনের যুগ !
মত্ত যক্ষ-রাজ,
মুরজার লাজ—
ভাঙিতে, যতনে এত, তবু সে বিরূপ !

শিশু-কাম দিতেছে বসনে টান,
কুবের সাধিছে ধরি'—'রতিফল' করিবারে পান ;
বাধা দিয়া তায়—
দ্বিগুণ বাড়ায়,
আগুন জ্বলিলে আর নাহি পরিত্রাণ,

“কথা রাখ—আর ফিরায়েনা মুখ,
এবার—পড়েছ ধরা, স্মখে যে দ্বিগুণ দেখি বুক !
মুখে শুধু রোষ,
মন পরিতোষ,
কি যে স্বভাবের দোষ—তবু দিবে দুখ !”

বেগু ও বীণা

• কত যুগ অমনি কেটেছে, হায়,
সাধিতে বিরতি নাই, তবু মুখ কভু না ফিরায় !

• তবু, পেতে হাত—
কাটে দিন রাত,
মূলে সে হাবাত হ'লে, কি হ'ত উপায় ?

কত যুগ অমনি গিয়েছে চ'লে !
ধরিয়া রয়েছ, তবু আনিতে পারনি তারে কোলে ;
আর তুমি,—পাশে,—
ক্ষুরিত উল্লাসে,—
স্থির যে র'য়েছে আজো—সে পাষাণী ব'লে !

মমির হস্ত

(১)

কার দেহে, কোন্ কালে, লগ্ন ছিলে তুমি,—
নৌলিমা-মণ্ডিত, ক্ষুদ্র, কঙ্কালাগ্র কর ?
তার পর কত গেছে সহস্র বৎসর—
রক্ষা-লেপে লিপ্ত হ'য়ে লভিয়াছ ভূমি ?

কবে সে—কবে সে হায়, গেছে তোরে চুমি',
মানবের সঞ্জীবন তপ্ত ওষ্ঠাধর
শেষ বার ? হায়, কত যুগ-যুগান্তর
আগে, শিশুর আগ্রহে স্পর্শিয়াছ তুমি

জননীর বুক ; কত খেলিয়াছ খেলা,—
কত নিধি উৎসাহে ধরিয়া ফেলে দেছ,—
প্রথম যৌবনে কত করিয়াছ লীলা ;
নব রক্তোচ্ছ্বাসে সাজি, কতই খেলেছ—

লয়ে নিজ কেশ, বেশ, নয়ন, অধর
আজ অস্থিসার—তবু মুগ্ধ এ অন্তর !

(২)

রাজদণ্ড হয় ত' গো ধরিয়াছ তুমি,
আজ তুমি কাচ পাত্রে কৌতুক-আগারে !

আজ গ্রাহ কেহ নাহি করে গো তোমারে,
দিন ছিল, হয় ত' কৃতার্থ হ'ত চুমি,
জনমিয়া ছুঁয়েছিলে কোথাকার ভূমি,
আজ তুমি কোথা, হায়, কোন্ দূর দেশে !

আজ ভালবেসে তোমা' কেহ না পরশে,
প্রত্নতত্ত্বজ্ঞের এবে ক্রীড়নক তুমি,
ওই তুমি—চিন্তাজ্বর করেছ মোচন,—
গোপন করেছ হাসি, মুছেছ নয়ন ;

ওই তুমি—হয় ত' গো করেছ রচন
ফুলহার,—কারো তরে কুসুম শয়ন !
দেহচ্যুত, অবজ্ঞাত, হায়রে উদাসী,
ভালবাসা চাহ যদি—আমি ভালবাসি !

বেণু ও বীণা

ডাক টিকিট

ডাক টিকিটের রাশি—আমি ভালবাসি,
যদি তা' পুরাণো হয়—ব্যবহার-করা,
ছেঁড়া, কাটা, ছাপমারা স্বদেশী, বিদেশী ;—
তা' সবে পরশি' যেন হাতে পাই ধরা !

যুক্তরাজ্য, চিলি, পেরু, ফিজি দ্বীপ হ'তে,—
মিশর, সূদান, চীন, পারস্য, জাপান,
তুর্কী, রুশ, ফ্রান্স, গ্রীস হ'তে কত পথে
এসেছে, চড়িয়া তারা কত মত যান !

কেহ আঁকিয়াছে বুকে—নব সূর্য্যোদয়,
শান্তি দেবী—কারো বুকে—তুষার পর্ব্বত.
হংস, জেব্রা, বক্ৰণ, শকুনি, সর্পচয়,
কারো বুকে রাজা, কারো মানব মহত ;—

যুগ্ম হস্তী, যুগ্ম সিংহ, ড্রাগন ভীষণ,
দীপ্ত সূর্য্য, সূর্য্যমুখী, ফিনিক্স, নিশান,

বেগু ও বীণা

ময়ূর, হরিণ, কপি, বাষ্প জলযান,
দেবদূত, অর্দ্ধচন্দ্র, মুকুট, বিষাগ !

কেহ আনিয়াছে বহি' পিরামিড-কণা !
কেহ বা এসেছে মাথি' পার্থিনন-ধূলি !
নায়েগ্রা গর্জন বিনা কিছু জানিত না,—
এমন ইহার মধ্যে আছে কতগুলি !

কেহ বা এনেছে কারো কুশল সংবাদ—
মাথি' মুখামৃত, বহি' সাগ্রহ চুম্বন !
কেহ বা পেতেছে নব বাণিজ্যের ফাঁদ ;
কেহ অনাদৃত, কারো আদৃত জীবন !

সকল গুলিই আমি ভালবাসি, ভাই,
সমগ্র ধরার স্পর্শ পাই এক ঠাই !

উল্কা

তিমিরের মসীলেপ নিমেষে ঘুচায়ে
বিশ্বচিত্রপট হ'তে,—পরিষ্কৃট করি'
প্রত্যেক পল্লবে, শাখে, তুণে, জলাশয়ে,
দেউলে, প্রাসাদে, পথে,—ফুটাঠিয়া, মরি,

ভূঙ্গপাশে বন্ধ সহচরে,—চকিতের মত,
জ্যোৎস্না-খণ্ড-রূপে হায়, চকিতে আবার
কোথায় ডুবিলে উল্কা ? তারা লক্ষ শত
মুদিল নয়ন, হেরি এ দশা তোমার ।

কোথা ছিলে ? কোথা এবে চলিয়াছ, হায় !
সূর্য্যতেজে পুড়িতে কি পড়িতে ভূমিতে ?
অথবা, অনন্ত কাল অভিশপ্ত প্রায়—
অনন্ত অতলে শুধু বহিবে নামিতে ?

ছিলে কি জীবের ধাত্রী পৃথিবীর মত ?
কিন্মা চিরবন্ধ্যা, শুধু, ধ্বংস তোর ব্রত !

স্বর্ণ-গোধা

স্বর্ণ জিনি বর্ণ তোঁর, নয়ন-রঞ্জন,
স্বর্ণ-গোধা ! ভ্রম হয় স্বর্ণময় ব'লে,—
তমু তোঁর । স্মৃণ্য কিন্তু তোঁর পরশন ;
নাহি জানি কালকেতু ভুলিল কি ছলে ।

সেকি তোঁরে ভেবেছিল খণ্ড স্বর্ণের ?
ত্বরান্বিত তাই বুঝি গেছিল কুড়াতে ?
শেষে নিজ ভ্রান্তি বুঝে—মর্শ্বরে পর্ণের—
তীরে বিঁধে এনেছিল অনলে পোড়াতে ।

স্থির তুমি থাক যবে, উজ্জ্বল বরণ !
প্রীতি লভে বিমুক্ত নয়ন ; কিন্তু হায়
অঙ্গভঙ্গী আরম্ভিলে—আপনি নয়ন
স্বর্ণা ভরে মুদে যায়, ফিরে নাহি চায় ।

জড়মতি রূপসীর অপরূপ হাসি,—
মন হ'তে যেমন মমতা দেয় নাশি ।

প্রবাল-দ্বীপ

তিমিরে, তিমির অস্থি যেথা হয় শিলা,
ছিদ্রময় স্পঞ্জ-পুষ্প যেথায় বিকাশ,
সেই সাগরের তলে, স্থখে করে বাস—
প্রবাল-দম্পতী এক ;—নিত্য নব লীলা !

দিনে দিনে প্রবালের বাড়ে পরিবার,
কত জীয়ে, কত মরে—রাখিয়া কঙ্কাল,
পঞ্জরের বাড়ে স্তূপ, যত যায় কাল ;
অজ্ঞাতে পূরণ করে ইচ্ছা বিধাতার ।

স্তূপীকৃত যুগান্তের প্রবাল-পঞ্জর—
কোটি কোটি প্রাণ-পাতে হ'য়ে সংগঠিত,
কোটি হৃদয়ের রক্তে হ'য়ে সুরঞ্জিত,—
একদিন তুলে শির সিন্ধুর উপর !

পলি পড়ে, শঙ্খ চরে, জাগে নব দ্বীপ,
ধৈর্যশীল প্রবালের যশের প্রদীপ !

আগ্নেয় দ্বীপ

পাশ্বে তা'রি,—সাগরের গূঢ় তলভূমে,
আচম্বিতে সমুখিত মহামন্দরব,
আচম্বিতে মাটি ফাটি', পর্বত ভৈরব
তুলে শির ; স্তব্ধ উর্ষি ভয়ে তারে নমে ।

আগ্নেয় উৎপাতে ত্রস্ত জল-জন্তু-দল,—
কালক্রমে পুনঃ যবে হইল নির্ভয়,—
খামিল কম্পন, দূরে গেল তাপচয়,
দেশান্তের পাছ পাখী করি' কোলাহল—

উড়ে গেল ;—পড়ে গেল চঞ্চু হ'তে তার
বিস্ময়ে—শস্ত্রের শীঘ্র অভিনব দ্বীপে ;
শ্রামল হ'ল সে কালে জীবের আগার,
দাঁড়াইল মৌন মুখে বিধাতা সমীপে ।

একে ধৈর্য্য অলৌকিক ! অগ্নে তেজোবল !
তপস্তার প্রতিভার—পরিপূর্ণ ফল ।

বেগু ও বীণা

মূল ও ফুল

ফুল—শুধু দেখাইতে চায়
আপনারে রোদ্রে জোছনায় ;
সমীরে করিতে চায় খেলা,
সারা বেলা রঙ্গ করে মেলা।
অলি বলে, দাঁড়া' ওগো যুঁই।
“এই ছুঁই—এই তোরে ছুঁই।”
ফুল বলে, “দুলেছি হাওয়ায়—
আয় অলি এই বারে আয়।”
পাতা পরে মাথা যায় ঠুকে,
অলি সে পলায় অধোমুখে !

মূল—শুধু লুকাইতে চায়
অন্ধকারে মাটির তলায় ;
খেলাধুলা গিয়েছে সে ভুলে,
কখন বা দেখে মাথা তুলে ?
কাজ—কাজ—জানে শুধু কাজ,
কাল যথা তেমনি সে আজ।

বেগু ও বাঁগা

মাটি হ'তে শোষে শুধু রস,—
পাতা ফুল রাখে সে সরস,
কাজ সदा—নাহিক কামাই,
ফুলদল—বেঁচে আছে তাই।

ফুল সে রাজার মত থাকে,
মূল সে চাষার মত পাকৈ !
যাবো, শাখা পাতার সমাজ,—
গন্ধ, রস, ভুঞ্জে তিন সাঁঝ ।
ফুলহীন মূল কত আছে,
মূলহীন ফুল কই বাঁচে ?
ফুল ঝরে—ফুটে পুনরায়,
মূল গেলে সকলি ফুরায় ।
ফুল তবু উঁচুতেই থাকে !
মূল সে চাষার মত পাকৈ !

ঝড় ও চাড়াগাছ

ঝড় বলে, “উড়ে গেল বড় বড় গাছ—
এখনো আছিস্ ? আয়, উপাড়িব তোরে ।”
“থাক্, থাক্” বলে চাড়া, “না-না থাক্ আজ,”
না শুনিয়া কথা, তারে ঝড় ধরে জোরে ।

পাড়ে ভূমি’ পরে আহা ; একি ! অকস্মাৎ
উঠে চাড়া, মল্ল সম আক্ষালি’ পল্লব,—
রক্তবীজ যুঝে ঘেন আপনি সাক্ষাৎ,—
হুয়ে পড়ে ভুঁয়ে, তবু, যুঝে অসম্ভব ।

হর্ষে রবি ঢালে শিরে সোনার কিরণ,
শ্রাস্তি বিদূরিতে মেঘ হর্ষে ঢালে জল,
বৃষ্টি জলে রৌদ্রে মিলে—হীরকে হিরণ,
ঝলমল তিন লোক,—হাসে পরীদল ।

লঙ্কায়, পলায় রড়ে, ঝড় দেশ ছেড়ে,
ত্রিলোকের আশীর্ব্বাদে চাড়া উঠে বেড়ে ।

জীবন-বন্যা

তিমির মগন গগন ঘিরিয়া
একি নব উচ্ছ্বাস !
স্পন্দিত করি' লক্ষ তারকা
জাগিছে রশ্মি-ভাস !
বঙ্গমাগরে করি' আজি স্নান
গাহিছে সমীর প্রভাতেরি গান,
জুড়ায় নয়ান, কুড়ায় পরাণ,
হাসরে জগৎ হাস !
ছুটিছে তন্দ্রা, ছুটিছে স্বপন,
ওই শোন শোন কল আলাপন,
উঠিবে অচিরে উজল তপন,
নাহিরে নাহি তরাস ।
উকি দিয়ে হাসে ত্রিদিব-কন্যা,
বাঁধ ভেঙে আসে কিরণ-বন্যা,
শ্রোতে ফুল পারা ভাসে ডুবে তারা,
নয়ন মেলে আকাশ ।

কোন্ দেশে

(বাউলের স্বর)

কোন্ দেশেতে তরুলতা—

সকল দেশের চাইতে শ্যামল ?

কোন্ দেশেতে চ'লতে গেলেই—

দ'লতে হয় রে দুর্বা কোমল ?

কোথায় ফলে সোনার ফসল,—

সোনার কমল ফোটে রে ?

সে আমাদের বাংলাদেশ,

আমাদেরি বাংলা রে !

কোথা ডাকে দোয়েল শ্যামা—

ফিঙে গাছে গাছে নাচে ?

কোথায় জলে মরাল চলে—

মরালী তার পাছে পাছে ?

বাবুই কোথা বাসা বোনে—

চাতক বারি যাচে রে ?

সে আমাদের বাংলাদেশ,

আমাদেরি বাংলা রে !

বেণু ও বীণা

কোন্ ভাষা মরমে পশি'—

আকুল করি তোলে প্রাণ ?

কোথায় গেলে শূন্যে পা'ব—

বাউল সুরে মধুর গান ?

চণ্ডীদাসের—রামপ্রসাদের—

কণ্ঠ কোথায় বাজে রে ?

সে আমাদের বাংলাদেশ,

আমাদেরি বাংলা রে !

কোন্ দেশের দুর্দশায় মোরা—

সবার অধিক পাইরে দুখ ?

কোন্ দেশের গৌরবের কথায়—

বেড়ে উঠে মোদের বুক ?

মোদের পিতৃপিতামহের—

চরণ-ধূলি কোথা রে ?

সে আমাদের বাংলাদেশ,

আমাদেরি বাংলা রে ।

হেমচন্দ্র

বন্ধের দুঃখের কথা, সদা করি গান,
দুঃখের জীবন তব হ'ল অবসান,—
হে কবীন্দ্র ! হেমচন্দ্র ! চ'লে তুমি গেলে,—
সে কি গাহিবারে গান দেবসভাতলে ?
বাসবের সভাতলে কি গাহি'ছ গান ?—
ভারত-ভিক্ষার কথা ? কিম্বা ভিন্ন তান,—
গাহি'ছ,—কেমনে বাস করিল পাতালে
দুর্ভুক্ত বৃত্তের ত্রাসে, বাসব সদলে,
পরাজিত অধোমুখ ; বর্ণিতে তাদের—
গাহিতে গাহিতে হায়—চাহি'ছ কি ফের
অতি নিম্নে—পরাজিত ভারতের পানে ?
—তোমার সে মাতৃভূমি—সুখা যা'র স্তনে,—
তার কথা স্মরি' কি ঝরি'ছে আঁখি-জল ?
জিজ্ঞাসে কি অশ্রুর কারণ দেবদল ?
কি বলিবে, হায় কবি, কি দিবে উত্তর ?
অন্তর্যামী জানিছেন তোমার অন্তর ।

দুর্যোগ

কি যেন মলিন ধূমে, কি যেন অলস ঘূমে,
আকাশ রয়েছে ঢাকা সব একাকার ;
ছায়া-শ্রান তরু-শির, প্রাবিত তটিনী-তীর,
বিরাম বিশ্রাম আর নাহি বরষার ।

উষার কনক হাসি, আর না জাগায় আসি'
হৃদয়ে উদ্দাম আশা আনন্দ অপার ;
এখন নিশির শেষে, রুগ্ন বালিকার বেশে—
জীবন জাগায় এসে মরণ সাকার !

তাপহীন, দীপ্তহীন, এমনি চলেছে দিন ;—
বজ্রের এ দুর্যোগের নাহি বুঝি শেষ !
এ জল ফুরাবে না রে, এ আঁখি শুথাবে না রে ;
ঘুচিবে না বুঝি আর এ মলিন বেশ ।

বেণু ও বাণা

কত দিন আলো নাই, ভুলে যেন গেছি তাই,
কে বলিবে ছিল কি না ?—মূকের স্বপন ;
কবে নাকি, স্বর্ণ ছবি, পূর্বে গৌরব রবি
উঠেছিল একবার, হয়গো স্বরণ ।

কিরণ পরশে তার দেশে এল হর্ষভার,
সে দিন প্রথম, বুঝি, সেই দিনই শেষ ;
এসেছিল পথ ভুলে তাই ত্বর গেল চ'লে,
প্রভাত সে না পোহাতে শূণ্য হ'ল দেশ !

প্রিয়জন উপহার— শুকাইলে ফুলহার,—
তবু কি ফেলিতে তারে পারে কোনো জন ?
গেছে বর্ণ, গন্ধ যত, কর্কশ কাঁটার মত,—
তবু সে যে প্রিয় স্মৃতি যতনের ধন ।

তাই—পূর্ণ অনুরাগে ; আজিও হৃদয়ে জাগে
সে কাহিনী, মেঘে যেন ক্ষণপ্রভা খেলে ;
জানি সে বিফল, হায়, নাহি প্রাণ শূণ্য কায়,
আগুনের গুণ কি গো ভস্মে কভু মেলে ?

বেণু ও বাঁণা

এল গেল নিশি দিন, মলিন, লাষণ্যহীন,
এ বরষা ফুরা'লনা, শুকা'লনা জল ;
আকাশ, পৃথিবী নাই, দাঁড়াবার নাহি ঠাই,
প্লাবনে হয়েছে এক অকূল অতল !

আমরা ডুবিয়া আছি, মরেছি কি বেঁচে আছি
জানিনা, প্রকৃতি মাগো, ডেকে নে জুড়াই ;
দক্ষিণ দুয়ার খুলে ডুবাও গো সিন্ধুজলে,
হয়েছি পরের বোঝা—ঘরের বালাই ।

সেথা নাহি ভেদাভেদ, নাহি মা মনের ক্লেদ
ঢেকে দে বঙ্গের মুখ, বেঁচে কাজ নাই ;
অবাধ অনন্ত জল, নাহি তীর, নাহি তল,
মুক্ত পথে ছুটে যা'ব,—দে না মাগো তাই ।

তা' যদি দিবিনা, তবে, দেখাস্নি ও বিভবে,—
শরতের শুভ্র হাসি, বসন্ত-বিলাস ;
যাহারে সাজে, মা, হাসি, তাহারে দেখাস্ আসি—
বিচিত্র বরণে আঁকা তোর 'বার মাস' ।

বেণু ও বীণা


যা'রা জগতের কাছে নতশির হ'য়ে আছে,
জগতের কোনো কাজে নাহি যা'র যোগ ;
হৃদয়ে নাহিক বল, জীবনে তার কি ফল ?—
আলোকে পুলকে তার শুধু কৰ্মভোগ ।

দিস্ না, যা, নাহি চাই, আমাদের কাজ নাই—
হৃদয়-মাতান' তোর নব রবিকর ;
থাক্ এই অন্ধকার, মলিনতা বরষার,
ক্ষুদ্র মোরা, তুচ্ছ মোরা, জগতের পর ।

বরষার নিবিড়তা দিক্ প্রাণে আকুলতা,
আপনা চিনিব তবু, আপনা চাহিয়া ;
সৌন্দর্য্য নিবিয়া যাক্, ধরণী ডুবিয়া থাক্,
আপন দারিদ্র্য শুধু উঠুক ফুটিয়া ।

অস্তুহীন অবসাদ, দিক্ প্রাণে নব সাধ,—
যেতে জগতের কাজে উৎসাহ দ্বিগুণ ;
আয় বরষার ধারা, আয় গো আধারি' ধরা,
কালিমা ঢেলে দে, ঘর্মে জ্বলে দে আগুন !

আশ্বিন, ১৩০৭ সাল



বেণু ও বীণা

বঙ্গ-জননী

কে মা তুই বাঁঘের পিঠে ব'সে আছি'স্ বিরস মুখে ?
শিরে তো'র নাগের ছাতা, কমল-মালা ঘুমায় বুকে !
ঢল ঢল্ নয়নযুগল জল ভরে পড়'ছে ঢুলে,
কাল মেঘ মিলি'র গেল তো'র ওই নিবিড় কাল চুলে,
শিখিল মূঠি,—ত্রিশূল কেন ধরায় ধূলা আছে চুমি' ?
কে মা তুই : কে মা শ্যামা—তুই কি মোদের বঙ্গভূমি ?

মা তো'র ক্ষেতের ধাতুরাশি জাহাজ ভ'রে যায় বিদেশে,
অন্ন-সুখা বঙ্গে ফেরে গরল হ'লে সর্ব্বনেশে !

বনের কাপাস বনে মিলায়, আমরা দেখি চেয়ে চেয়ে,
অন্নবসন বিহনে হায়, মরে তোমার ছেলে মেয়ে !

বল মা শ্যামা সুধাটী তো'রে, মোদের এ ধুম ভাঙবে নাকি ?
ধন্য হ'তে পারবো না মা তোমার মুখের হাসি দেখি ?

ত্রিশূল তুলে নে মা আবার রূপের জ্যোতি পরকাশি,
ভয় ভাবনা ভাসিয়ে দিয়ে হাস আবার তেমনি হাসি !

চরণতলে সপ্ত কোটি সন্তানে তো'র মাগে'রে—

বাঘেরে তো'র জাগিয়ে দে গো, রাগিয়ে দে তো'র নাগে রে ;
সোনার কাঠি, রূপার কাঠি,—ছু'ইয়ে আবার দাও গো তুমি,
গৌরবিণী মূর্তি ধর—শ্যামাঙ্গিনী বঙ্গভূমি !

‘স্বর্গাদপি গরীয়সী’

বঙ্গভূমি ! কেন মাগো হইলে উর্ধ্বরী ?
তাই, মা, নয়ন-বারি ফুরা’ল না তোর ;
স্বর্গ হ’তে গরায়সী জন্মভূমি মোর,
এ স্বর্গে দেবতা কই ? দেখায়ে দে তুয়া ।

বল্ মোরে, কোন্ হেতু, স্পষ্ট আজি তারা ?
অথবা, মগন কোনো তপস্শায় ঘোর ?
কবে ধ্যান ভাঙিবে গো,—নিশি হ’বে ভোব ?
কবে, মা, ঘুচিবে তোর নয়নের ধারা ?

অস্বরে ঘিয়েছে, হায়, বল্ল-তরুবরে,
দেবতার কামধেনু দানবে দুহি’ছে !
আজি হ’তে অন্বেষি’ ফিরিব ঘরে, ঘরে,
কোথা ইন্দ্র ?—ব’লে দেগো, কাঁদিস্নে মিছে ।

সে যে তোরে অস্থি দিয়ে গ’ড়ে দিবে অদি ;
অয়ি বঙ্গ ! অয়ি স্বর্গ ! অয়ি গরীয়সী !

আশার কথা

জননী গো—আজি ফিরে—
জাগিতেছে তব সন্তান সব
গঙ্গার উভতীরে!
বাড়িতেছে তব কুটীরে,
ললিত বক্ষ-রুধিরে,
সন্তান কোটি কোটি গো,
দৃঢ় উন্নত শিরে!
আর নহে কেহ অসুখী,
জননীর ভার শিরে আপনার
তুলে নেছে নব-বাসুকি,—
শত সহস্র শিরে!

উজ্জল হাসি আননে,
ক্ষৌণী বাজিতেছে সিন্ধুর তীরে
কঙ্করী বাজে কাননে;
নব সঙ্গীত গাহি'ছে,
নূতন তরনী বাহি'ছে,

বেণু ও বীণা-

পরাণ নূতন চাহি'ছে,—
বিশ্ব-বিহারী নূতনে !
দখিণে গেছে অগস্ত্য,
পশ্চিমে গেছে ভার্গব যথা
সূর্য্য না জানে অস্ত !
গেছে রঘু প্রাগ্‌জ্যোতিষে,
বিশ্ব ছেয়েছে দলে, দলে, দলে,—
ভিক্ষু, শ্রমণ, বোধীশে ;—
দীপ্তি বহি' তিমিরে !

ধনপতি সে শ্রীমন্ত,—
সিংহল-জয়ী বিজয় সিংহ,—
কীর্তি-কথা অনন্ত !
জ্ঞানে, বিজ্ঞানে সিদ্ধ,
বীর্য্যে—উদার, স্নিগ্ধ,
আচারে জগৎ মুগ্ধ,
সেবায় নহেক' ক্লান্ত ;—
হেন সন্তান, আজ,
আইল কি পুনঃ আনয়ে তোমার,—
ঘুচাইতে দুখ, লাজ ?

বেণু ও বীণা

তোমারি মন্ত্র-ভাষা গো,—
পূত, স্থললিত, সঙ্গীত জিনি’
অন্তর-পরকাশা গো ;—
জাগিছে আজি সে ফিরে !

সপ্ত সাগর তীরে,—
তোমার সপ্ত কোটি সন্তান
শত কোটি হ’বে ধীরে !
(মোরা) নৌকা ভরেছি পণ্যে,
(তুমি) আশিষ’ দুর্বা-ধাত্রে,
জননী ! তোমারি পুণ্যে—
(মোরা) সকলি পাইব ফিরে ।
নৌকা—ছুটেছে অধীরে !

সাত ডিঙা ধন কোন্ প্রয়োজন ?
ধিরিয়া ফেলিব মহীরে ;
অচিরে—কিস্বা ধীরে !

দ্বিতীয় চন্দ্রমা

স্বপনে দেখিছু রাতে, হে ভারত-ভূমি,
মাগর-বেষ্টিতা অগ্নি মর্ত্যের চন্দ্রমা
কুহকী নিদ্রার বশে সংজ্ঞাহীন আমি,—
শুনিচু মহিমা তব অগ্নি বিশ্বরমা !

দেখিলাম, মহাকর্ষ সাগরের তলে,
বজিছেন মন্দ্রভাষে নাগদলে ডাকি’,
“খুলে দে বন্ধন যত, শিরে ধর তুলে,
অপূর্ব এ ভূমি, আয় দেবলোকে রাখি ।

পৃথিবীর গন্ধ নাই—নিষ্কাম ভারত !
ধর্মের ভবন চির ! দেবযোগ্য দেশ !
ধর্ম-বিভা পৃথিবীতে দিয়েছ নিয়ত,
এবে চন্দ্র সনে প্রভা বিতব অশেষ ।”

সহসা দেখিছু, মুক্ত কপোতের মত
উঠিলে অশ্বরে, তুমি দ্বিতীয় চন্দ্রমা !
চির জ্যোৎস্না হ’ল ধরা, চির আলোকিত ;
অতন্দ্র যুগল-চন্দ্র—অপূর্ব সুষমা !

ধর্মঘট

বাদলরাম হালুয়াই—
গরুর গাড়ীর গাড়োয়ান,
ধর্মঘটের মস্ত চাঁই
দেখতেও ঠিক পালোয়ান ।
মোটা রকম বুদ্ধিটা, তার
গলার স্বরও মধুর নয়,
কিন্তু যে কাজ করবে স্বীকার,—
করবে সে তা স্তনিশ্চয় ।
ছ' ছ' দিনের ধর্মঘটে
বিকিয়েছে সর্বস্ব তার,
অন্ন মোটে আর না জোটে
তবুও কাজে যায়নি আর !
হোথায় যত সওদাগরে—
কাম্ড়ে মরে নিজের হাত,
হেথায় সে সগোষ্ঠী শুকায়
নাইক পয়সা, নাইক ভাত ।

বেগু ও বীণা

হুঁপা গেল ; পল্লী তাহার
 দু'দিন আছে উপবাসে,
যুত্বে গাড়ী ব'ল্বে গিয়ে,
 শিক্ষা ভালই পেয়েছে সে ।
শিশুটি তার কাণ্ড দেখে
 কাদতে যেন গেছে ভুলে,
শাস্তমুখী মেয়েটি আজ
 ভয়ে ভয়ে নয়ন তুলে ।
ছেলে মেয়ের কষ্টে সে যে'
 মোটাই ছিল নাক' স্মৃতে,
স্পষ্ট সেটা লেখাই ছিল—
 তার সে বিষম কাল মুখে ;
তারই সঙ্গে লেখা ছিল
 হৃদয়ের বল বিলক্ষণ,
বিকট ঘৃণা, বিষম জ্বালা,
 সবার উপর—অটল পণ !
ধনীৰ ধনের উপরে যে
 পরিশ্রমের আছে মান,—
যদিও এটা নাই সে জানে
 নয় সে তবু ক্ষুদ্রপ্রাণ ।
বাদলরাম ! বাদলরাম !
 গরুর গাড়ীর গাড়োয়ান !

পথে

আমার ধূলায়—এত স্মৃণা ;—
আর তুই ধূলা মেখে, গাড়ী খান্ পথে দেখে,
ধরিলি আমারে এসে কিনা !

আশ্রয় লইলি মোর কোলে,
ওরে, তোর নাহি ভয়, ভয়ের এ ঠাই নয়,
ধূলা দেছ,—মারিব তা' ব'লে ?

শোন্ ওরে পথের বালক,
দূরে চ'লে গেছে গাড়ী, এই বেলা তাড়াতাড়ি
বাড়ী যা' রে, থাকিতে আলোক ।

চ'লে গেছে, যাক্—বাঁচা গেল ;
আশ্রয় দিলাম ওরে, সে মোর ধুতির 'পরে—
চিহ্ন এক রেখে গেল কাল !

সত্য কথা বলিতে কি ভাই,
ধূলা দেখে হ'ল রোষ ; কিন্তু তার—কিবা দোষ ?
পথই তার খেলিবার ঠাই ।

বেগু ও

দরিদ্রের শিশু সে যে হয়,
কোথায় আঙিনা তার নাচিবার—খেলিবার ?
পথে খেলে, ধূলা মাখি' গায় ।

বিশ্বগ্রাসী, ওগো ধনিদল !
দরিদ্রের সকলি ত'— করিয়াছ কবলিত,
পথ মাত্র আছিল সম্বল —

ছেলেদের খেলিবার স্থান ;
তা'ও সহিল না আর, তা'ও কর অধিকার ?
গাড়ী, ঘোড়া, আনি নানা যান !

বিভীষিকা দেখায়ে এ সব—
ইচ্ছা কি দরিদ্রদলে, পাঠাইতে রসাতলে ?—
ধনহীন—নহে কি মানব ?

অন্ধ শিশু

শীর্ণ দেহ, শুষ্ক তার মুখ,
দৃষ্টিহীন—শিশু এতটুকু ;
জন্মেছে সে ভিখারীর ঘরে,
জীবন বহিছে অনাদরে ।
পিতা মাতা কেহ নাই—কেহ নাই তার,
সে এখন অপরের সহায় ভিক্ষার ।

অন্ধের দুখের নাহি শেষ,
গ্রীষ্মে শীতে একই তার বেশ,—
একই ভাবে সকাল বিকাল,
পথে বসি' কাটায় সে কাল ;
কেহ বা দলিয়া যায়,—কেহ বলে 'আহা',
ব্যথিতের দুঃখ, হায়, কে বুঝিবে তাহা !

না জেনে সে বসিল ফিরিয়া,
পথ পানে পিছন করিয়া ;—
না জেনে প্রাচীর-পাদ-মূলে,
হাতখানি পাতিল সে ভূলে !
নিষ্ঠুর নগরী ওরে, বিদ্রূপের ছলে,
মনে হয়, বিধি তোরে ভৎসিলা কৌশলে

অবগুণ্ঠিতা ভিখারিণী

ওরে বধু, গ্রাম্য-পথ-শোভা,
আজি কেন নগরীর মাঝে ?
কৃষকের গৃহলক্ষ্মী তুই,
বল আজি হেথা কোন্ কাজে ?
তুই কি বিধবা নিরাশ্রয়া ?
স্বামীর স্মিরিতি, শিশুটিরে
বাঁচাইতে, ত্যজি' লজ্জা ভয়—
এসেছিস্ গ্রামের বাহিরে ?
অথবা এ কি রে অভাগিনী
কলঙ্কের নিশানা তোমার ?
—ভেবেছিলে বালাই যাহারে,
সান্ত্বনা সে আজি নিরাশার ।
কেন বাছা এনেছিস্ শিশুরে ভিক্ষায় ?—
কাদে ছেলে,—নিষে যা',—নিষে যা' ;
জান না ?—ভিক্ষায় তুমি এনেছ যাহারে,
পিতা তার নিখিলের রাজা !

বিকলাঙ্গী

নগরীর পথে, হায়,
কৌতুকের স্রোতে,
পাতিয়া বিশীর্ণ হাত—
প্রাতঃকাল হ'তে,
বসে' আছে পথে !

মুখে নাহি বাণী, গা'য়
ছিন্ন বাস খানি,
বয়স চৌদ্দের বেশী
নহে অনুমানি,
কুজা অভাগিনী ।

মুখ পানে তবু, কা'র'
চাহেনাক' কভু,
ঘোবন যদিও আজি
দেহে তার প্রভু,—
চাহেনাক' তবু !

বেগু ও বীণা

সরম-সকোচে, তার
সর্ব দোষ ঘোচে ;
কুজ্বারে ঘিরিয়া, ফুল—
ফোটে গোছে গোছে !
সরমে—সকোচে ।

‘কুস্থানাদিসি’ ।

স্বাগত, স্বাগত, বারাক্ষণ !
তুমি কর ভাব-উপদেশ ;
সোনা সে সকল ঠাই সোনা,
যাই হ’ক পাত্র, কাল, দেশ ।

পীড়া পেলে পথের কুকুর,
হও তুমি কাঁদিয়া বিব্রত ;—
ব্যথা তার করিবারে দূর,
প্রাণ ঢেলে সেবিছ নিয়ত !

উঠিছে সে শ্বসিয়া, শ্বসিয়া,
উর্দ্ধমুখ উদগত নয়ন ;
শ্বসিয়া—শ্বসিয়া পড়ে হিয়া—
তোমারো যে তাহারি মতন ।

হাসে লোক কান্না তোর দেখে,
ক্ষুণ্ণ-দৃষ্টি—উত্তর তাহার !
এত দিন কিসে ছিল ঢেকে—
এ হৃদয়—উৎস মমতার ?

বেণু ও বীণা

দেখি' তোর ভাব আজিকার—
জ্ঞানদাশ্রু এল চক্ষু ভ'রে,
বুদ্ধি তুমি—শ্রীষ্ট-অবতার,—
দিনেকের—ক্ষণেকের তরে !

বন্যায়

বন্যায় গিয়েছে দেশ ভেসে ।

বনস্পতি,—পাখীদলে, নিশীথে, জাগায়ে বলে ;—

“প্রাণ বাঁচা’—পালনা’ অন্য দেশে ।

রক্ষা নাই আমার এবার,

এবার আসিলে হানা, আর আমি টিকিব না,

দেরি তোরা করিস্নে আর ।”

দেখিতে দেখিতে এল হানা,

বনস্পতি,—গঙ্গাজলে, ছিন্ন মূল,—ভেসে চলে,

তবু তারে পাখীরা ছাড়ে না ।

“এখন যা” বলে বনস্পতি ;

পাখী বলে “পুণ্য ম’লে— ভেসেছি গঙ্গার জলে” ;

স্বজনের এই ত’ পীরিতি ।

দেবীর সিন্দূর

সারা রাত, আহতের মত,
শোকাহত আচার্য্য ভাস্কর,—
নিদ্রাগত—শয্যা বিলুপ্তিত,
তবু ব্যথা জাগে নিরন্তর ।

অকস্মাৎ আসিল চেতন,
বক্ষ হ'তে নামেনি বেদনা ;
শ্বাস যেন পূর্কের মতন
সহজে করে না আনাগোনা ।

“আজি দেশে দেবী-মহোৎসব,
ঘরে ঘরে বাজ বাজে নানা ;
সধবারা সাজিতেছে সব,
বিধবা লীলার তাহে মানা ।

বেণু ও বীণা

আছে লীলা বীজাক্ষ চর্চায়,
মন যেন শান্তির নিবাস ;
সে ধৈর্য্য জানি না কেন, হয়,
মোর মনে জাগায় তরাস ।

মৃতিমতী শান্তি, মা আমার,
কোনো কথা নাহি তার মুখে ;
তবু, তার মুখ চাওয়া ভার,
শেল সম বাজে মোর বুকে ।

লীলাবতী—সন্ন্যাসিনী বেশে—
করিতেছে দীর্ঘ উপবাস ;
পিতা আমি, দেখিতেছি ব'সে,
চোখের উপরে বারমাস !

ডাকি' লহ মোরে যমরাজ !
ডাকি' লহ কন্যা পতিহীনা ;
পিতা হ'য়ে করিতেছি আজ,
সন্তানের মরণ কামনা !

বেগু ও বীণা

আজি দেশে দেবী-মহোৎসব,—
এ উৎসব সকল হিন্দুর ;
সধবারা চলিয়াছে সব,
পরিবারে দেবীর সিন্দূর ;—

ব্রাহ্মণী ! এদিকে এস, শোন,
এখনি করিয়া দাও দূর—
মূৰ্খ—যত দেবল ব্রাহ্মণ,
পর' নাক' দেবীর সিন্দূর ।”

শিশুর স্বপ্নাশ্রু

দোলায় শুয়ে ঘুমায় শিশু মায়ের কোলের মত,
মায়ের নয়ন নিয়েছে আজ জাগরণের ব্রত !
পল বিপলে, সকাল সাঁঝে, পাঁচটি মাসের স্নেহ,
হৃদয়টি তার ছাপিয়ে দিয়ে ভাসিয়ে দেছে গেহ ।
হায় কিশোরী ! নূতন খেলা—মাল্লু-পুতুল নিয়ে,—
প্রদীপ করে, পলক-হারা, তাই কি আছি স্ চেয়ে ?
ঘুমায় শিশু, পল্লী ঘুমায়, ঘুমে জগৎ ছায়,
কাজল-কাল চোখের কোণে ঈষৎ হাসি তার !
ইঠাৎ, কেন চোখ দু'টি তার ছলছলিয়ে আসে,
ঘুমের ঘোরে, শিশুর চোখে, কোন্ হুখে জল ভাসে ?
ঝিনুক বাটার ঝন্ঝনা কি নিদ্রা-ঘোরে ও শোনে ?
তাই কি কাঁপে ঠোঁট দু'টি তার—অশ্রু চোখের কোণে ?
ভয় যে আজো শেথেনিক' মান অপমান নাই,—
কি বেদনায়, ঘুমের ঘোরে, তার চোখে জল ভাই ?
শিশুর স্বপ্ন—তা'ও কি নহে স্মৃথের ভগবান ?
বিভীষিকার বিষম ছায়া তাতেও বিরাজমান ?

অশ্রুব


খটের ধারে বাতাসে দুল্‌দুল,
দেখেছিলাম একটি ছোট ফুল ;—
রাবর আলোয় আহ্লাদে আকুল !
চটুল চোখে তারার মত চায় ;
হাত-লোভানো মন-ভুলানো তা'য়,
খটের ধারে ছুটেছিলাম হায় ।
কত চড়াই, কত না উত্‌রাই,
তবুও তার নাগাল নাহি পাই,
ছিন্ন আঙুল, আকুল চোখে চাই ;
এই সে দেখি, যায় না দেখা আর,—
ওই সে পুনঃ, এমনি বারে বার,
এমনি ক'রে কাছে গেলাম তার ।
খাড়া পাহাড়—ফাটলে তার ফুল,
শিলার ফাঁকে বাধিয়ে দে' আঙুল,—
বাড়াই বাহু—আবেগ সমাকুল ।

হঠাৎ—বায়ু বউল বুকবুক,
হৃদয়তলে বিষম গুরুগুরু,
নিখিল যেন ছল্ছে ছরুছরু !
গাছ দেখিনে, শুধু গাছের মূল,—
সাপের মত ঝুলিয়ে দে লাজুল—
গিরির গায়ে ঘুমেই ঢুলুঢুল ।
শুইয়া পড়ি—ঝুঁকিয়া পড়ি ধীরে,
পাইনে নাগাল,—রক্ত নামে শিরে,
নিম্নে তিমির, শিলায় দেহ চিরে ।
এবার বুঝি ঠেকলরে আঙুল !
হঠাৎ—একি !—প'ড়ল খ'সে ফুল,—
খটের তলে, বাতাসে ছলছল !



বেগু ও বীণা

স্থলিত পল্লব



আহ্লাদে বনানী সাজে মুকুলে পল্লবে
বসন্তের সারঙ্গের রবে !
নিবিড় শীতল ছায়,
রাখালেরা ঘুম যায়,
পাখী গায় মৃদু কলরবে ;
গাছে গাছে কিশলয়,
নৃতনের গাহে জয়,
মৃত্যু জরা পাশরিয়া সবে ।

অকস্মাৎ ক্ষুণ্ণ করি' পল্লবের হৃদ,—
ক্ষুণ্ণ করি' বসন্ত সম্পদ,—
শুদ্ধ করি' কলরব.—
পল্লবের জীর্ণ শব
লভিলরে নির্বাণের পদ !
কে জানিত শোভা মাঝে,
মরণের পাংশু সাজে,
একজন পার হয় মরণের নদ ?
কাহারো হ'লনা, ক্ষতি, গেল সে লুকায়ে,
নিভূতে বৃন্তটি শুধু উঠিল শুকায়ে !

দুদিনে অতিথি

সে দিন হঠাৎ বর্ষা পেয়ে,
কামিনী ফুল ফুটল বনে ;
আমি তাহার একটি গুচ্ছ
তুলে নিলাম পুলক মনে ।

ঘরে এসেই দোয়াত হ'তে,
লুকিয়ে, ফেলে দিলাম কালি,
দোয়াতের সে ফুলদানীতে
ফুলটি রেখে দেখছি খালি ;

জোর বাতাসে, হঠাৎ, ঘরে
তুকল সে এক প্রজাপতি ;
রইল রে সে সারাটি দিন,
একলা ঘরের হ'য়ে সাথী ।

অতিথ্ হ'ল আমার ঘরে,
প্রজাপতি আপন হ'তেই ;
ঝড় বাদলে, ছাড়তে তারে,
পার্বনাত' কোন' মতেই ।

বেগু ও বীণা

কবার্ট দিলাম বন্ধ ক'রে,
জানলা দিয়ে দিলাম তাই ;
সন্ধ্যা বেলায় প্রদীপ জ্বলে,
ভাবছি ব'সে কত কথাই ।

হঠাৎ, উড়ে, আলোয় প'ড়ে,
প্রজাপতির জীবন গেল ;—
হায়, অতিথি ! নয়ন-জলে,
নয়ন আমার ভ'রে এল !

হৃদ্বিনের সেই অতিথিরে,
হায়, সূদ্বিনের সূপ্রভাতে,—
আমার স্নেহ—পাথের দিয়ে,
পেলাম নারে আর পাঠা'তে ।

আবার আমি তেমনি ক'রে,
অনল-দগ্ধ দেহটি তার,
রেখে দিলাম ফুলের' পরে ;
এঁকে নিলাম বুকে আমার !

শ্রাবণ, ১৩০৪ সাল

গোলাপ

পলে, পলে,—আলোকে, পুলকে,
ভরি' উঠে গোলাপ উষায় ;
শ্বরিত পাপ্‌ড়ি, দিকে, দিকে,
কচি ঠোঁটে কি বলিতে চায় ?

রৌদ্রের সাগ্রহ আলিঙ্গনে,—
বায়ুর চুম্বনে, উষ্ণ শ্বাসে,—
গন্ধ-ধারা সৃজিয়া কাননে,
কৌতুকী সে—হাসে, শুধু হাসে !

অলি আসে—মধু ল'য়ে যায়,
থাকে না সে কাজ সাক্ষ হ'লে,
গোলাপ সে মু'খানি ফিরায়,
শ্রান্তিভরে বৃন্তে পড়ে ঢ'লে ।

রক্তমুখী সন্ধ্যার গোলাপ,
ভাবে বুঝি লাবণ্য বাড়িছে ;—
বিষ ঢালে দিনাস্তুর তাপ,
আর জীবনের আশা মিছে ।

বেগু ও বীণা

নিশি আসে, শিশির নিষেকে--
শক্তি আর ফিরে নাক' তার,
শেষ গন্ধ ক্ষরে থেকে থেকে,
শেষ মধু,—নাহি নাহি আর ।

তার পর নিশান্ত বাতাসে,
দলগুলি ঝরি' পড়ে, হায়,
আলোকের তীব্র পরিহাসে,
ধূলি মাঝে গোলাপ লুটায় !

কুলাচার

বর এল স্মৃতি-ধৃতি-পরা,
গৃহে উঠে হাসির ফোয়ারা ,
‘শুনেছি বনেদী লোক,
তাদেরো কি ছোট চোখ—
চেলী কভু দেখে নি কি তারা ?’
গৃহে উঠে হাসির ফোয়ারা ।

বাক্যপটু জেঠা মহাশয়,—
বর পক্ষে সম্বোধিয়া, কয়,
“স্মৃতি-ধৃতি ব্যবহার
এও নাকি কুলাচার ?
এমন ত দেখিনি কোথায় !”
হাসি’ কয় জেঠা মহাশয় ।

বরের সে পিতামহ শুনি’,
(বর্ষায়ান্ নিষ্ঠাবান্ তিনি)

বেগু ও বীণা

কহেন, “বাপু হে শোন,
কাহিনী অতি পুরানো,
পিতৃমুখে শুনেছি এমনি,—
এসেছিল বৃদ্ধ এক মুনি ;—

এসেছিল সন্ন্যাসী প্রবীণ
বহুকাল আগে এক দিন ;
সেদিন মোদের গৃহে,
বিবাহের সমারোহে,—
দীর্ঘ জটা, কঙ্কল মলিন,—
এসেছিল সন্ন্যাসী প্রবীণ ;—

দেহ গড়—উন্নত শিখর,
দস্ত শ্বেত, হাস্য মনোহর,
দগ্ধ প্রায় ‘ধুনী’ যেন
দীপ্তিমান্ ছ’নয়ন,
দ্রুত পশে সভার ভিতর ;
স্তুভিত সকলে যোড়কর ।

কহিলা কাঁপায়ে সভাতল,
‘শুভকাজে—এ কি অমঙ্গল

বেণু ও বীণা

বিধান দিতেছি আমি,
কথা শোন গৃহস্থায়ী ;—
পুরোহিত ! কি ছাখো, অবাক !
দক্ষিণায় বসাব না ভাগ ।

চীনবাস পোড়াও সকল,
কার্পাস পরাও নিরমল,
ধনী পাদপের দান,—
কণ্ঠা বরে শোভমান ;
বৃথা শিরে ল'য়োনা এ পাপ,—
ভ্রূণ-জীব হত্যার সস্তাপ ।'

মৌন সবে যেন মন্ত্র-বলে,
চীনবাস পোড়ায় অনলে ;
নিষ্পাপ কার্পাস বাস,
পুষ্প সম পুণ্য হাস,
কণ্ঠা-বরে করিল প্রদান ;
অন্তর্দান সন্ন্যাসী মহান্ !

সেই হ'তে বংশের গৌরব,
সেই হ'তে সম্পদ বিভব,

বেগু ও বীণা

সে অবধি এ বিধান—
কুলাচারে অধিষ্ঠান,
সে অবধি সব সুলক্ষণ,
পাপ প্রথা করিয়া বর্জন ।”

চমৎকৃত সভামাঝে সবে—
সন্ন্যাসীর পুণ্যের প্রভাবে,
কণ্ঠাপক্ষ তাডাতাড়ি,
কণ্ঠার রেশমী শাড়ী
ছাড়াইয়া, কার্পাসে সাজায় ।
নবোৎসাহে নৌবৎ বাজায় !

তিলক দান

স্নান সারি' সকাল সকাল,
মিঠায়ে ভরিয়া ছোট খাল,
আপনি চন্দন ঘসি'
চারি বছরের 'উষী'
ফোঁটা দিল, হাসি এক গাল।

দিদি এল পিঠে ভিজে চুল,
উষা-স্নানে শীতল আঙুল,
স্নেহের গোরবে তার,
মুখে শ্রী ধরে না আর,
মা বলিয়া মনে হয় ভুল !

কার্তিকের প্রভাত বাতাস
এখনো ছাড়িছে হিম-শ্বাস,—
চন্দন-পরশ, শিরে,
জাগায় সে ফিরে, ফিরে,—
জাগায় সে স্নেহের আভাস !

বেগু ও বীণা

আছি মোরা দুয়ারে দাঁড়ায়ে,
পূর্ণ পথ— ছোট বড় ভায়ে ;
— আকুল তৃষিত চোখে,
মলিন—বয়সে শোকে,
মুখপানে কে গেল তাকায়ে ?

জড়সড়—শীতে করি' স্নান,
পরিধান—ধুতি পরিহান,
শুভ্রকেশ—যত্নহীন,—
কোথা যাও হে প্রাচীন ?
তুমিও কি মোদের সমান ?—

বর্ষায়সী ভগিনীর গৃহে,
চলেছ কি স্নেহের আগ্রহে ?
অথবা, অভ্যাস বশে,
অতীত মৃতের দেশে,
খুঁজিয়া ফিরিছ সেই স্নেহে ?

এস, এস, মোদের পুলক—
পুনঃ তোমা করিবে বালক !
ক্ষুধিত ললাটে তব—
মোরা দিব—মোরা দিব ;—
স্নেহদান—চন্দন-তিলক ।

শিশুর আশ্রয়

ননীর গড়ন শিশুটি ;
মা তাহার এক বেনিয়ার দাসী,
দিনে রাতে কাজ—নাই ছুটি !

শিশু—কাছে কাছে থাকে,
জল ঘাঁটে, কাদা মাখে,
 ছুটে আসে শুনে মা'র স্বর ;—
কবে অবসর হবে,
কবে তারে কোলে নেবে,
 পাবে ছেলে মায়ের আদর ।

ট'লে ট'লে চ'লে যায়,
মা'র মুখ পানে চায়,
 ট'লে ট'লে কাছে আসে ফের,
কাজে যেন ব্যস্ত কত,
হাত নাড়ে মা'র মত,
 গিয়ে তার কাছেতে মুখের ।

বেণু ও বীণা

মা তার উঠিবে যেই,
ছেলের আঙুল সেই,—
চোখে লাগে, দেখে অন্ধকার ;
অমনি শিশুর পিঠে,
পড়ে চড় ছ'চারিটে,
কাঁদে শিশু করি' হাহাকার ।

ভয়ে ধয়ে মা'রই কাছে গেল নে পাগল !
মার খেয়ে—আগে ভাগে পেল শিশু কোল

হাসি-চেনা

ওরে দিদি, দেখি, দেখি,— একবার আয়,

ওই ছুঁ হাসি যেন দেখেছি কোথায় !

যে বুড়া হয়েছি আমি ভাই,

সব কথা ভুলে ভুলে যাই ।

ওই যে চতুর হাসি সরল প্রাণের,

ও যেন রে কর্তব মধুর গানের ;

হয়েছে,—ও হাসিটুকু, ভাই,

যা'র ছিল, সে-ও আর নাই ।

থাকিলে কি হ'ত বলা নয়ক' সহজ,

তো'তে আর তা'তে গোল বাধিতই রোজ ;

আর মনে তার ঠাই নাই,—

সে টুকু তোদেরি দি'ছি ভাই ।

অতীতের তরে শোক ?—আমার ত নাই ;

যা'রা গেছে, আমি দেখি, তোরাও তারাই !

ভুল হ'য়ে যায় সব ভাই,

বুড়া আমি—তাই ভুলে যাই !

বেগু ও বীণা

কচি হ'য়ে ফিরে আসে আমাদেরি মুখ,
আমাদের যৌবনের যত ভুলচুক,
চলা ফেরা, সব—চেনা, ভাই ।
চেয়ে, চেয়ে, দেখি শুধু তাই ।
যা'রা গেছে—কোথা হ'তে তাদের সে হাসি—
প্রত্যহ নূতন মুখে ফুটে রাশি রাশি !
কৌতুকে রয়েছি ভাল, ভাই,
ছাখ —আর বড়া আদি নাই !

বসুয়ান্

নগরীর সঙ্কীর্ণ গলিতে—
পরিচ্ছন্ন পুরানো কুটীর ;
এক দিন সে পথে চলিতে
কুটীরেতে দেখিলু স্থবির ।
আপন বলিতে, এ জগতে,
কেহ আর নাহি সে বুড়ার,
তাই, যা'রে পথে দেখে যেতে,—
ডেকে বলে, যত কথা তার ।

'টোটা'র বারতা শুনি' যবে,
দেশে দেশে অসংখ্য সিপাহী,—
কলহ করিয়া কলরবে,
দলে, দলে, হইল বিদ্রোহী ;—
অরাজক, হত্যা, অত্যাচার,
লুটপাট, বীভৎস ব্যাপার ;—
সেই কালে বহু 'রোজগার'
ঘটেছিল অদৃষ্টে বুড়ার ।

বেণু ও বাঁণা

দিন কত খুব ধূমধামে—
কাটে কাল, আমোদে হেলায়,
অট্টহাসি যেথায় ত্রিধামে,
সেথঃ হ'তে কমলা পলায় ।
তার পর ব্যবসা জুয়ায়,
সম্পত্তি বিস্তর গেল তার ;
মরে' গেল পুত্র দু'টি হায়,
পত্নী গেল—ঘুচিল সংসার ।

“ঋণগ্রস্ত, বৃদ্ধ, অসহায়,
পুল্হীন, সম্পদ-বিহীন,—
প্রতিবাসী—হেন দুর্দশায়,
ফিরে নাহি দেখে একদিন !
গঙ্গাস্নানে যদি কভু বাই,—
রুগ্ন আমি, ঘটেনা প্রত্যহ,—
সমুখে যা' পায়—লয় তাই,
বলিবার নাহি মোর কেহ ;
বলিলে মারিতে আসে সব,
নাহি তবু তা'দের প্রত্যাশী,
চোর হ'য়ে আছি কি যে ক'র
এমনি স্ৰজন প্রতিবাসী !

বেগু ও বীণা

বুড়া আমি মোর'পরে এত উপদ্রব"—
কহে বৃদ্ধ, অকম্পিত-উর্দ্ধ-নেত্রে চাহি,—
“ভগবান্ তুমি ইহা দেখিতেছ সব,
চাংিয়া তোমার মুখ এত আমি সহি !”
অত্যাচার, অশ্রায়ের বারতা শুনিয়া,—
স্বার্থপর দর্পিতের শুনি' বিবরণ,—
বিশ্বাসী সে নিঃসহায় বৃদ্ধেরে দেখিয়া,—
মনে হয়—আছ তুমি—আছ ভগবান্ !

বেণু ও বীণা

অরণ্যে রোদন

ঘেসেড়ানি চলে' গেছে জল খেতে নদে,
একা—মাঠে শিশু তার কাঁদিছে বসিয়া,
দ্বিপ্রহর—নিরজন,—ক্ষীণকণ্ঠ কাঁদে,—
অপরূপ শব্দ-মায়া বাতাসে সৃজিয়া !

কাছে আসে প্রজাপতি,—নেমে আসে সুর,
আবার বাড়িয়া উঠে ;—বাতাসের বেগে
পতঙ্গ পলায় যেই—দূর হ'তে দূর ;
বিশ্বে আজি—কান্না শুধু উঠে জেগে, জেগে !

হাতে এসে মনোজ্ঞ সে পতঙ্গ পলায়,
কান্না সে ত' চিরসার্থী—আছেই সমান,
বাড়ে কমে ?—সত্য বটে ; থামেনা রে হায়,
হায় রে একান্ত একা শিশুর পরাণ !

কখন্ থামিবে কান্না,—আসিবে জননী,
ফুরা'বে বিজন বাস—জুড়াবে পরাণী ।

দেবতার স্থান

ভিখারী ঘুমায়েছিল মন্দিরের ছায়ে ;
সহসা ভাঙিল ঘুম চীৎকার ধ্বনিতে,
জাগিয়া, চাহিয়া দেখে, পূজারী দাঁড়ায়ে,—
গালি পাড়ে, ক্রোধে যায় ধাইয়া মারিতে ।

বিস্ময়ে ভিখারী বলে, “গোঁসাই ঠাকুর !
বুঝিতে না পারি মোরে কেন দাও গালি,
ভিক্ষা মেগে ফিরিয়াছি সারাটি দু’পুর,
শ্রান্ত বড়, তাই হেথা শুয়েছিলাম খালি ।”

কৃষিয়া পূজারী কহে, “চুপ্ বেটা চোর—
নীচ জাতি,—জাননা এ দেবতার ঠাই ?
মন্দিরের অভিমুখে পা’ রাখিয়া তোর—
এটা হ’ল আরামের ঠাই—কি বালাই !”

সে বলে, “পা’ ল’য়ে তবে কোথা আমি যাই,
এ জগতে সকলি যে দেবতার ঠাই !”-

মেঘের বারতা

নীল-মেঘপুঞ্জ হ'তে শৈত্যের বারতা
আসিছে, তাপার্ভ, ক্লিষ্ট ধরণীর' পরে,
আচম্বিতে জলে, স্থলে, কাননে, অম্বরে,
বর্ষণে ধ্বনিয়া উঠে চর্চরিকা গাথা !

কঁপে তরু, পুলকে আপ্লুত পুষ্পলতা ;
বৃষ্টি-ধারা উঠে নাচি' বায়ুর প্রহারে,
বাতাহত—বযাহত—শ্যাম সরোবরে
স্ব-যৌবনা শ্যামাঙ্গীর লাবণ্য গৌরতা !

কালোতে বিকাশে আলো, মৃগালে কমল,
শ্যাম পত্র-পুটে ফুটে সোনার মঞ্জরী,
তীর-বনচ্চায়া-নীল, শ্যামল, কোমল,
বৃষ্টিপাতে—সরসীর বিকাশে মাধুরী ।

নীল মেঘ হ'তে আসে শান্তির বারতা,
ধরায় লাবণ্য আনে অমরার কথা !

অপূর্ব সৃষ্টি

স্বধ্বংসে স্থাপিলা যবে সৃষ্টিরে বিধাতা,
(প্রতাপে তপনে যথা,) অদৃষ্ট আসিয়া
নিভতে মদনে ডাকি' কহিল বারতা ;
বাহিরিল চুপে চুপে ছ'জনে হাসিয়া ।
কুহেলি সৃজিয়া তারা মাথায় তপনে,
তপন হিমাংশু হ'ল ; হেথা পুনরায়
নৈশ মেঘে চন্দ্র-ধনু রচিল গোপনে ;
কেবা সূর্য—চন্দ্র কেবা—চেনা হ'ল দায় !
শুধু তাই নয়, রৌদ্র সৃজিয়া শশীর,
পূর্ণিমার শুরু মেঘে করিল স্থাপন ;
বিবহে মিশায়ে দিল স্মৃতি পিরীতির,
মিলনে কল্পিত ভেদ করিল রোপণ !
! শাপ দিলা অন্তর্যামী অদৃষ্ট-মদনে,
। 'প্রভু হ'য়ে হ'বে দাস মানব-সদনে ।'

বেণু ও বীণা

‘বাতাসী-মা’র দেশ

তুলোর মতন পাথার ভরে,
কোন্ ফুলের বীজ উড়েছে ?
কোন্ দেশেতে জনম লভি’
কোন্ বিজন গায় ছুটেছে ?

ছেলেরা যেই ধরতে ধায়,
অমনি উঠে হাওয়ায় হায়,
কেউ বলে সে চাঁদের স্মৃতি
জ্যোৎস্না-স্মৃতিতেই লুটেছে !

কেউ বলে ও ‘বাতাসী মা’র ;—
কোন্ বিজন গায় ছুটেছে ।

সবাই মিলে উঠলো ব’লে শেষ,
আমরা যা’ব বাতাসী মা’র দেশ !

যেদেশে লোক স্বপন ভরে,
বাতাসে বীজ বপন করে,

বেগু ও বাঁগা

বাতাসে হয় সোনা-ফসল,
সোনার চেয়ে দেখতে বেশ !

আজকে মোরা সেই দেশেতে যা'ব,
আজকে যা'ব বাতাসী মা'র দেশ !

তুলোর মতন লঘু পাখায়,
বায়ু ভরে বাঁজ উড়ে যায়,
হাওয়ার মাঝে বপন, রোপণ,
হাওয়ার মাঝে ফসল শেষ !

আজকে মোরা সেই দেশেতে যা'ব,
আজ যা'ব রে বাতাসী মা'র দেশ !

বেগু ও বাঁগা

জীর্ণ পণ

সূর্যের কিরণ করি' আড়,
দিব্য এক টগরের ঝাড় :
আকাশে বাড়িয়া উঠে বেলা,
ছেলেরা ছাড়েনা তবু খেলা,
বুড়াদের ভাঙেনাক' জাড় !

পথে যেতে প'ড়ে গেল চোখে,
টগরের পল্লবের ফাঁকে,—
কি এক সামগ্রী মনোলোভা,—
বিশ্ব ফল জিনি তা'র শোভা,—
রক্ত—যেন অম্মরার স্বর্ণ অলঙ্কারে

কাছে গিয়ে, দেখিছু যা' শেষে,
কৌতুকে একাই উঠি হেসে ;
সে নহে অমৃত-ফল, হায়,
জীর্ণ পাতা, রৌদ্রে স্বচ্ছ প্রায়,
জীর্ণ তবু পূর্ণ যেন রসে !

বেগু ও বাণা

তার কাছে সরস পল্লব,
কান্তিহীন, দীপ্তিহীন, সব ;
এ জীর্ণ পল্লব নাহে, আজ,
স্বস্থ, পুষ্ট, পত্রে দিয়া লাজ,—
বিকশিত সবিতার কিরণ-গৌরব

অক্ষয়-বট

জন্ম তব সত্যযুগে হে অক্ষয়-বট,
শাস্ত্রে কহে, সত্য কি? কহ তা' মোরে তুমি
বড় সাধ মনে, যেতে তোমার নিকট,
ধন্য সে, চক্ষু যে হেরে তব পীঠ-ভূমি ।

ভাসিলা কি নারায়ণ তোমারি পল্লবে ?
পিণ্ড দিলা সীতাদেবী তোমারি সাক্ষাতে ?
নিষ্কার্য দেখিলা তোমা'—আর ভিক্ষু সবে ?
বিক্রম বেতালে লভে—সে কি ও শাখাতে ?

বল মোরে বিবরিয়া ছদ্মবেশ রাখি'
পূর্ব কথা,—সর্বতাপ যে কথায় ভুলায় ;
ভূত সাক্ষী তুমি শাখী ; কতই না পাখী
যুগে যুগে শাখে তব বেঁধেছে কুলায় !

সময়-সাগর-জলে মগ্ন অতীতের
তুমি মাত্র চিহ্ন শাখী, পূর্ব ভারতের ।

শিশুহীন পুরী

সলিল-আলয়ে রাঙা শিখা ল'য়ে
আজিও রয়েছে কমল-কলি ;
এ হেন শিশিরে হায়, কা'র তরে,
জলে উঠে নিতি অনল জলি' !

তাম্বুল রসে রাঙায়ে রসনা
সোণামুখী বন-জবার হাসি—
ফুটিল আবার বনে বনে ওই,
আজ কে দেখিবে তা'দের আসি' ?

কলায়ের স্ফুটে প্রজাপতি ফুটে,—
প্রজাপতি লুটে বেড়ায় খালি ;
নারিকেল শিরে বেজে ওঠে ধীরে
শত জোড়া ছোট হাতের তালি !

কাঠ-বিড়ালেরা মুখে মুখে করে
ঘুরনি ঘোরার হরষ-ধ্বনি ;
কাছিমেরা দেয় রোদে গা-ভাসান,
শালিকেরা ফেরে ফড়িং চুনি' ।

বেণু ও বীণা

লাল নীল ক্ষুদে জাড়ে আঁখি মুদে
হ'য়ে যায় হায় শুকায় সাদা,
ঘাটের ফাটলে লুটায় চামর,
রাশি রাশি ফুটে সোনার গাঁদা ।
বনের কুসুমেরে আঁদর করিতে
নাহি কেহ, নাহি শিশুর হাসি ;
বনে, ফলে, ফলে, ছায়া-তরু-তলে,
শুধু বিফলতা বেডায় ভাসি' ।
বিজন এ পুরী শিশুর অভাবে
কে যেন জীবন লয়েছে কাড়ি',
হরষ বিথার নাহি যেন আর,
পুলক-দেবতা গিয়াছে ছাড়ি' !

পথহারা

আকাশ পানে চেয়েছিলাম, ছিলাম করজোড়ে,
একটা কিছু মনের মাঝে তুলেছিলাম গ'ড়ে ;
আকাশ পানে চেয়েছিলাম,
স্বাতীর জলে নেয়েছিলাম !

হবে ছিলাম, হঠাৎ চোখে প'ড়ল ধূলা এসে,
ছায়াপথটি হারিয়ে গেল,—অশ্রুজলে ভেসে ।

দেখি,—প্রথম পারিনিত' চাইতে কোনোমতে,—
ছায়াপথটি হারিয়ে গেছে সাদা মেঘের স্রোতে ;
আকুল হয়ে দিক্ ভুলেছি,
বুকের মাঝে গোল তুলেছি,
কে—ছায়াপথ চিনিয়ে দেবে, ছিনিয়ে ছায়া হ'তে ?
পরান-পাখী—ফিরবে কিরে মেঘের রচা পথে ?

কে জ্যোতি-পথ দেখা'বে হায়, দিব্য-রথে ল'য়ে ?
ভেসে যাবে মেঘের ফেনা কোন্ সে বাতাস ব'য়ে ?

বেণু ও বীণা

নীৰব নিশি, ভাব্ছি একা,—
আজও কাৰ' নাইক দেখা,
পরাণ-পাখী ফিৰবে নাকি তাৰাৰ ৰচা পথে ?
তোলাপাড়া এই শুধু, হায়, সেদিন সন্ধ্যা হ'তে ।

নাভাজীর স্বপ্ন

‘ডোম’ বলি’, ফিরাইয়া মুখ, চলে’ গেল পূজারি ব্রাহ্মণ,
নাভাজী নমিতেছিল গোবিন্দে তখন ;
ছ’টি ফোঁটা অশ্রুজলে, মন্দির-সোপান,
সিক্ত হ’ল ; সে দিন সে আর, পথে যেতে গাহিল না গান ।

কাটা বেত, চেরা—কাঁচা বাঁশ, কুটীর ছায়ায় স্তূপাকার,—
অন্য দিন পরিতৃপ্ত হ’ত গন্ধে যা’র,
আজ তারে কোনো মতে পারিল না আর
বাঁধিবারে ; দেখিল না চেয়ে আপন হাতের দ্রব্য-ভার ।

কুটীরের রুদ্ধ করি’ দ্বার ভূমিতলে রচিল শয়ান,
রাঁধিল না, খাইল না, করিল না স্নান ;
ধীরে—তন্দ্রা এল চোখে, মগ্ন হ’ল মন ;
দেখিল সে অপূর্ব স্বপন,—ইষ্টদেব শিয়রে আপন !

“হে নাভাজী ! ক্ষুণ্ণ কেন মন ?” জিজ্ঞাসিলা গোবিন্দ তখন,
“কর বৎস হরিদাস কবীরে স্মরণ,
সে সব ভক্তের কথা করহ প্রচার,
ব্রাহ্মণের দর্প হবে দূর,—যুগা কা’রে করিবে না আর ।”

‘রম্যানি বীক্ষ্য’

ফাগুন নিশি, গগন-ভরা তারা,
তারার বনে নয়ন দিশাহারা ;

কে জানে আজ কোন্ স্বপনে
উঠেছে চাঁদ আন গগনে,

তারার গায়ে চাঁদের হাওয়া লেগেছে !
পেয়েছে সব চাঁদের যেন ধারা !

আনু গগনের চাঁদ,
যেন হেথায় পাতে ফাঁদ ;
আর নিশীথের আলো—
আজ হেথায় কিসে এল ?
আরেক সাঁঝের গান,
ফিরে জাগায় যেন তান ;

তারার বনে পরাণ হ’ল সারা !

এ যেন নয় গান,
এ যেন নয় আলো,

তবু

দোলায় কেন প্রাণ,

তবু

কেমন লাগে ভাল,—

মন যে মগন তা'তে,
ফাগুন-মধুর-রাতে,
মন চিনেছে আকাশ-ভরা তারা,—
পেয়েছে আজ চাঁদের যা'রা ধারা !
বিচিত্র ওই আকাশ
দেয় নূতন কত আভাস,
উষার আলো বাতাস—
যেন, শেফালিকার সুবাস—
যেন, তারার বনে লেগেছে,
চোখে আমার জেগেছে ;—
মুক্ত রে আজ মর্ত্য-ভুবন-কারা !
তারার বনে মন হয়েছে হারা !

সন্ধ্যা-তারা

(কীৰ্তনের স্মরণ)

অয়ি মৃদুলোজ্জ্বল তারাটি,
মম জীবন-সন্ধ্যা-গগনে ;
অয়ি দিব্য-কিরণ-ধারাটি,
কত শাস্তি বিতর ভুবনে ।
যবে নিদাঘ-সমীর-নিশাসে—
মম হৃদয় শুকায় নিরাশে,
তুমি অমনি আসিয়া,
যাতনা জুড়াও—
শাস্ত শীতল কিরণে ;—
মম জীবনে সন্ধ্যা-মগনে ;
যবে ধূলায় ধূলায় মিলিয়া,
ঘন আঁধার আসে গো ঘিরিয়া,
আসি আকুল পরাণে
তোমাতে দেখিতে

বেগু ও বীণা

নীলিম নিখর গগনে,
যম জীবনে—সন্ধ্যা-লগনে !
তুমি নিরাশার মেঘে ডুবোনা,
তুমি প্রলয়ের ঝড়ে নিবোনা,
শুধু অমনি আসিয়া,
হাসিয়া, হাসিয়া,
অমিয় ঢালিয়ো পরাণে ;—
যম জীবন-সন্ধ্যা-গগনে !

মৈঠ, ১৩০৬ সাল।

অমৃত-কণ্ঠ

শুনেছি, শুনেছি কণ্ঠ তব,
পুনঃ, আজি বহুদিন পরে,
প্রাণে মনে জেগেছে উৎসব,
রোমাঞ্চ সকল কলেবরে !

উৎকর্ণ, উদ্গ্রীব হ'য়ে আছি, আবার শুনিতে ওই স্বরে !

নিশান্তের শুকতারী সম
পরিপূর্ণ লাবণ্যের রসে,
সঙ্গীত তোমার, নিরুপম !
হর্ষ-ধারা অন্তরে বরষে ;

দিবসে কোথায় ডুবে যায়, অতি ক্ষীণ, অতি মৃদু যে সে ।

পূর্ণ, পুষ্ট মন্দার মুকুল,—
নন্দনের লতাচ্যুত হ'য়ে,
তোমার ও সঙ্গীতে আকুল,—
অঙ্কে মোর পড়িল লুটায়,

প্রথম পাপড়ি যে সময়ে, এলায়ে পড়িবে মধুবায়ে ।

বেগু ও বীণা

ও সঙ্গীত আঙুরের ফল,
মৃদুকায় রসের ব্যাথায়,
অধরের পীড়নে কোমল
ভেঙে পড়ে, একটি কথায় ;
বিন্দু—দুই, স্নিগ্ধ, স্তম্ভুর রস দিয়া—মিলায় কোথায় ।

বর্ষণান্তে মুক্তাফল সম,—
পল্লবাগ্রে যাহা শোভা পায়,—
সন্ধ্যাসূর্য্য,—যাহে অল্পম
সপ্ত বর্ণে—লীলায় সাজায়—
সে যেন গো তোমার সঙ্গীতে, লয় দিয়া সলিলে মিলায় !

স্বাতী হ'তে ঝরি' যে শিশির
মহামণি-হয় সিন্ধুতলে,
তুলনা সে—আজি এ নিশির
অন্ধকারে যে সুর উথলে ;—
আনন্দ-চঞ্চল করি' মোরে, আকুল করিয়া তারাদলে ।

জননার চুস্বনের মত
ও স্ত-স্বর, পবিত্র, কোমল,—
মন্ত্রপূত আশীর্বাণী-যুত,
হর্ষ-স্নিগ্ধ যেন শান্তিজল ;
সদ্য-ঝরা শেফালি পরশে, হ'ল যেন শরীর শীতল !

বেণু ও বীণা

নক্ষত্র জানিত যদি গান,
ভাবিতাম গাহিতেছে তা'রা ;
বাণীর বীণার মধু তান !
অমরার—অমৃতের ধারা !

তারার পরশ বুঝি পাও,—তাই গাও হ'য়ে আত্মহারা !

আঁখি কভু দেখেনি তোমায়,
হে অনন্ত-আকাশ-বিহারী :
ফের' তুমি তারায়, তারায়,—
নক্ষত্রের কূলে কূলে, মরি,

পক্ষ যেন আঁখির পলকে,—আঁখির পলকে যাও সরি' । ১

বড় সাধ, শিশুকাল হ'তে,
হে স্ককণ্ঠ ! চিনিতে তোমায় ;
পাইনি সন্ধান কোনো মতে,
পাইনি তোমার পরিচয় ;

কত জনে স্মধায়েছি নাম,—বলিতে পারে না কেহ, হায় !

স্মধায়েছি কবিজন পাশে,
স্মধায়েছি কৃষক-বধুরে ;
কেহ শুনি' অন্তরালে হাসে,
কেহ হায় চলে' যায় দূরে ;

কোন্ দেশে জনম তোমার ? কি বা নাম—কে বলিবে মোরে ?

বেণু ও বীণা

নাম তব থাকে, নাহি থাকে,
ডাকিব 'অমৃত-কণ্ঠ' ব'লে ;
ভালবেসে যে যা' ব'লে ডাকে,
তাহাতেই পরাণ উথলে ;
হে অমৃত-কণ্ঠ ! পাখী মোর, তো'র গানে চক্ষু ভরে জলে ।

গান—তব শোনে বহু জনে,
না থাকে বা থাকে পরিচয় ;
শুনেছি হে, ওই গান শুনে, !
গর্ভশায়ী শিশু স্তব্ধ রয় ;
যতদিন নাহি এস ফিরে, ততদিন ভূমিষ্ঠ না হয় ।

গাও, তবে, গাওহে আবার,
হর্ষ-শিশু লভিবে জনম !
সুধাপায়ী ! চন্দ্রিকা উদগার
কর পুনঃ স্নিগ্ধ মনোরম ;
কোকিল পাণ্ডিয়া চাতকেরা স্তব্ধ হ'ল, গাও নিরুপম

যাহা কিছু মনোজ্ঞ-মধুর,
যাহা কিছু পবিত্র-সুন্দর,
যত আছে ঈপ্সিত-সুদূর,
—চির মুগ্ধ আমার অন্তর—
বলে, পাখী, শীর্ষে সবা'কার—হরষ-আপ্নত ওই স্বর ।

বেগু ও বীণা

বহুদিন, বহুদিন পরে,
পাখী—তোর পেয়েছি রে সাড়া !
বহুদিন, বহুদিন পরে,
প্রাণ মোর পেয়েছে রে ছাড়া !

সাড়া দেছে অন্তরের বীণা, গানের স্পন্দনে পেয়ে নাড়া !

আজ, পাখী, সাধ হয় ফিরে,
ফিরিবারে তারায়, তারায় ;—
ব্যগ্র চোখে, সন্দুলত শিরে,
ছেড়ে যেতে পুরানো ধরায় ;—

বাশীর একটি রক্ত খুলি', নিঃশেষিতে সঙ্গীতে ত্ববায় ।

তার পর, নৈশ অন্ধকারে,
তোর মত যাব মিলাইয়া ;
কাজ নাই আনন্দ বাকারে,
চলে' যাব শুধিরে গাহিয়া ;

যাহা গাই,—তোর মত যেন, যেতে পারি পুলক ঢালিয়া ।

তার পর, কে চিনে না চিনে,
রাখিব না সঙ্কান তাহার ;
কণ্ঠ যদি পূর্ণ হয় গানে
তোর মত গাহিব আবার ।

বেশীক্ষণ রহিব না আমি, গান শেষে রহিব না আর ।

বেণু ও বীণা

হে অমৃত-কণ্ঠ ! হে সুদূর !
মৃতিমান্ সুর ! সুধাধার !
কণ্ঠ মোর করহে মধুর,
কর মোরে সঙ্গী আপনার,
গান গেয়ে, উল্লাসে উড়িয়া, দিব মোরা অসীমে সঁাতার !

বেদনার বন্ধনের পারে,
চল, পাখী, লইয়া আন্ডায়,—
কষ্ট,—যেথা, ফিরে না শিকারে,
সব বাথা সঙ্গীতে ফুরায় ;
বাঁশীর একটি রন্ধু খুলি'—সব গান শেষ হ'য়ে যায় ।

কর মোরে, অতনু-সুন্দর !
পরিপূর্ণ সঙ্গীতের রসে ;
এই মহা তম্বিশ্র-সাগর
আসে যেন সঙ্গীতের বশে ;
তারার জনম দিয়া গানে, দাঁপ্ত কর এ বিজন দেশে ।

অন্ধকারে পথভ্রান্ত জন,
পায় যেন সঙ্গীতে আশ্বাস ;—
ঘুচে যেন প্রাণের ক্রন্দন,
ফেলিতে না হয় দীর্ঘশ্বাস,—
অন্ধকারে পায় দেখিবারে—জ্যোতিষ্ময় আপন নিবাস !

বেণু ও বীণা

মুক্তি-শিশু—জন্মেনি এখন'

আছে কোন্ গানের প্রত্যাশে !


পাখী ! পাখী ! তোমার মতন


গান যোরে শিখাও হে এসে !

মুক্তি-শিশু আসুক জগতে,—পূর্ণ হ'ক ত্রিলোক হরষে !

মমতা ও ক্ষমতা

পক্ষি-শাবকেরে বটে সেই স্নেহ করে,—
দৃঢ় মুষ্টি-বলে যার কাল ফণী মরে ;
নহিলে বৃথা সে স্নেহ,—শুধু মনস্তাপ ;—
মমতা—ক্ষমতা বিনা, উন্মাদ প্রলাপ ।





নামহীন

বর্ষাশেষ, সূপ্রভাত প্রসন্ন আকাশ,—
মহাদ্ৰাতি ইন্দ্রনীল মণির মতন ;
জলে, স্থলে, ফুলে, ফলে, লাবণ্য-বিকাশ,
পথ, ঘাট, সব—যেন সবুজে মগন ।

পুরানো প্রাচীর খান সবুজে সবুজ !
আর তারে কে বলে কঙ্কাল-সার আজ ?
দেখরে নিন্দুক তোরা দেখরে অবুঝ,
লাবণ্যের বগ্না—মর্ত্ত্যে—নন্দনের সাজ !

অতি ছোট ছোট গাছ—ছেবেছে প্রাচীর,
নেচে উঠে স-পল্লব আকুল উল্লাসে,
রৌদ্র-ঝিলে করে স্নান, নত করি' শির,
পাখী সম ;—বিচঞ্চল মৃদুল বাতাসে ।

বলু গুরে ছোট গাছ তোদেরে সুধাই,
নাম কি রে—নাম কি রে—নাম কি তোদের ?
“নাম নাই, আমাদের নাম নাই, ভাই,
হর্ষে আছি,—হর্ষ দি'ছি—এই,—এই ঢের !”

